

續金華叢書



竹

石

松

梅

蘭



樵 野  
獸 嗚

袁

勵  
準



甲春康宗校  
子永胡榭鋟

樵雲獨唱序

予誅茅結廬於城山之東隅林深而木翳水秀而峰奇居處孤峻名  
其庭曰雲顛閉門却掃謝賓客日與樵夫芻叟盤礴乎丘園林麓之  
中披雲嘯月釣水採山無少休暇久之移家城山之西隅負郭而樓  
居形勢虛敞窗戶軒豁而南嶼北巘爭獻奇秀其儼然之容蒼然之  
色入吾屏几清致復不減於雲顛也東西相望不數里故吾得以幅  
巾便服輕鞋瘦策從樵夫芻叟相往還於其間山回路轉川鳴谷應  
伐木之丁丁鳥聲之嚶嚶更喚互答斯樂何極斧斤之餘濁酒自適  
觴詠談笑擊壤賦詩吟唐律五言七言若干首雜詩若干首雖不足  
以關世教之盛衰亦足以敘幽情寫閑適之興懷名其帙曰樵雲獨  
唱蓋予知樵夫芻叟相與之娛而不知世俗之好樵夫芻叟知從予  
之遊又不知予賦詩之趣薪桂老而雲山高寒音調古而巖谷絕聽  
得不謂之獨唱乎幸而樵芻中有如朱翁子陶靖節輩固將甘心與  
之揖遜周旋賡和酬酢商度古今天下治亂之得失評論高人異士



大丘之南有古東陽齊梁號爲名郡郡之北有芙蓉峰高千仞插雲  
霄萬古礙星月橫亘百里仙佛之所慮虎狼之所穴奇花異卉四時  
芬芳峰抵郡城不十五里余結茅負郭而居閉門遠塵囂絕世慮惟  
讀古人書閑暇登茲峰擘琴鼓瑟酌酒圍棋寵辱不驚黜陟不知鑿  
井耕田以飲以食聲貫雲石第一人間快活丸和邵康節快活堯夫  
擊壤歌以自怡悅客從而謂余曰世之賢士夫者所作爲異於人胸  
次瓌奇意氣高邁立行能淳風厚俗出語足以利物濟人故能上輔  
天子下澤黎民威加蠻夷功高今昔國賴之如山民仰之如父遠慕  
臯陶稷契伊尹周公近與蕭曹房杜同驅並駕如郭子儀用舍爲唐  
重輕裴公度身係天下安危二十年功顯一朝芳流千載不務爲此  
乃欲盡匹夫之諒徇一己之娛甘心老死衡茅名隨身殞而不悔竊  
爲子不取也余方倚柱長嘯策杖酣歌從容而進揖客而言曰子知  
夫鳶翔空魚躍淵乎子亦知夫採珠者入海求玉者登山乎方今聖  
主體堯舜之仁奮湯武之略克平海宇撫安神州奇勳偉績名公巨

卿棋峙星布吾儕小人得以襪線之才躬耕草澤稅駕丘園其貪冒之徒乃欲枉圖妄取求寵乞憐徇競進之榮乏謙讓之德智窮詐露身滅家亡而未已者吾不爲也吾寧爲蹢躅涼涼而遺其皎皎之白乎吾寧貪尺寸之微而忘其遠者大者歟方當耕南山之陲釣東海之湄覽烟霞之勝玩泉石之奇誦清風之什歌明月之詩俾愚夫愚婦聞余之風樂於心益於背見於面而暢於四肢謳吟快活鼓腹歡笑於里閭得不謂與人同樂乃以獨樂見譏必如客之言將使鳶濡翼沈泉魚鼓鬣躍天求玉者遊海隅採珠者昇峰巔以若所爲然後快客之心耶於是客愧謝不敏而去余乃取平昔鄙野詩文以第一人間快活歌題於帙端云時至正甲午十一月旣望雲顙天民序書於城山西隱之牧心齋



樵雲獨唱詩集卷之一

續金華叢書

古詩

浙江潮

浙江潮從海門起濺沫飛流幾千里老龍奮拔滄海波六丁怒決天  
河水萬馬奔馳人盡驚千夫賈勇衆莫禦滔天濁浪排空來翻江倒  
海山爲摧固知神物善幻善變化不然胡爲若此之壯哉狂風頓洞  
響天籟長空隱約轟春雷衝堤激岸勢雄偉春崖嚙石聲喧豨更秦  
厯漢遞唐宋潮生潮落來往幾時回上浮銀漢蕩瑤浦洶洶危瀾鋪  
練組江神河伯盡出遊素車白馬尤雄武海若載鑾旌馮夷擊鼉鼓  
龜蛇跳躍長蛟舞人言子胥怒未消怒氣突兀干青霄噓烟吐霧如  
山高咆哮呼叱聲愈囂震驚溟涬淳鳴沈寥直吞吳楚志意驕於戲三  
綱五常自古有至今禮法千載之下明如日月之昭昭君實有臣而  
殺奚怨號員兮忠義非兒曹豈不知此無君之罪將焉逃少焉風定  
洪濤靜似聞子言發深省水天上下玉無瑕月白江空銀萬頃

錢塘懷古

君不見古錢王錢王在時民阜康不侈不僭能安邦五季喪亂人相  
戕鄰國雖斃吾無傷錢王去後兒孫良致身能弱還能強手持版籍  
歸宋皇富貴不失福祿昌民受其惠壽命長人懷其德久不忘千載  
之下有耿光至今號稱國不亡又不見子瞻作郡臨安時風俗淳厚  
民雍熙春光淡蕩花柳靜凝香燕坐簾幙垂畊田而食鑿井飲公家  
作勞民不知西湖種藕不種穀朝暮十里香風吹酒邊談笑白日永  
賓朋滿座閒賦詩風流一代孔文舉下視山濤阮籍沈湎之輩皆小  
兒子瞻去後景物非風俗凋弊世運移我來曳杖訪遺跡荒煙衰草  
空離離湖山風月只如舊昔人不見今人悲秋風滿目立良久但見  
斷雲斜日猶照蘇公隄古今何物能長久前代英豪竟安有文章霸  
業墮渺茫唯有聲名傳不朽是非榮辱過眼空萬事何如一杯酒

翫月

天闊海波平飛空一鏡明烏棲烟樹冷蟾浴石潭清素魄流金液嬾

娥舞玉京周旋雲鬢亂縹緲羽衣輕短世人空老長生藥未成桂林  
秋萬頃茅屋夜三更芳砌鋪冰雪疏簾颺水晶穿窗微弄色當戶寂  
無聲屢動袁宏興狂呼庾亮名神光億萬丈照我七尺形我喜不能  
寐起坐塵夢醒涼颺吹華髮霜鬢被長纓登高發清嘯萬壑虛泠泠  
長天淨如洗滿座人皆驚清虛異人境蕭爽真蓬瀛胡爲生塵土汨  
沒勞經營安得齊雲梯獨步遊廣庭瓊樓恣觀覽呼吸瑤華精吟詠  
翫佳景千秋遺世情

雲顛山人紙衾吟

楮柏霜華細藍田玉色鮮全無針線迹寧費綺羅錢照席凝水潔鋪  
牀奪錦妍卷舒皆自在表裏出天然瑩徹明無滓溫柔軟勝綿姜公  
聞必喜杜甫見還憐素質誠無讓紅塵已斷緣銀屏非等伍石枕慣  
周旋野客深相結豪家定棄捐不勞寒女織惟稱老夫眠光彩生虛  
白眞純絕外鉛陽生春浩浩暖快腹便便蓋覆功非淺清虛理不偏  
致身天地外迥出羲皇前睡去山雲熱情空海月圓梅花頻入夢香

影繞林泉瓊姬已垂顧丰姿美嬋娟邀我登廣庭恍惚游鈞天天風  
雜環珮上謁瑤華仙遺我不死藥授我長生篇使我顏色好犀齒還  
榴編蒼容返朱脣綠鬢垂華顛方瞳復如漆碧沼浮疎蓮從茲久住  
世游戲三千年我聞而喜忽驚寤但見清虛滿室月白雲翩翩

八月望夕翫月歌

八月望夕天大晴纖埃散去河漢清長空皎潔淨如洗四顧寥闌秋  
無聲少焉皓月生滄溟吳牛乍見喘且驚連宵陰晦不見月今夜見  
月倍稱情寒芒直射斗牛窟滿庭冰雪銀水晶低徊弄色茅屋上照  
我慷慨平生誠乾坤虛廓照萬古再一萬古光愈明從茲高照萬萬  
古毫髮可容無遁形老翁今年七十一固當與月同虧盈月能燭幽  
鑒下土人能撥亂致太平二俱有功於天下皆足爲世之重輕故能  
發無盡之幽光垂不朽之令名雲霄有路通蓬瀛仙人相邀遊廣庭  
朗然晃耀白玉京鈞天樂奏聲鏗鉤風吹衣袂虛泠泠環珮錯雜相  
和鳴團團古銅鏡燦爛天之庭清輝百千丈神彩何瑩瑩金波瀉瓊

液躍出蝦蟆精雲邊白兔知幾齡玉杵春香藥未成丹桂不老長芳  
榮西風涼夜秋花馨姮娥孀居誰與伍美質不眠長獨醒貝宮曠闊  
寧有極舉步欲進足屢停滿身風露良久立依然命駕還青冥黃塵  
白水三山遠魂夢飄飄迴翠輦恍疑身在紫霞峰影隨大地山河轉  
霓裳羽衣不復道靈丹難駐容長好君不見萬里關山全盛時有道  
君王蜀中老

吾琴所爲曹令所壞寓居賦秋風破屋歌

君不見南山叟一室容身小如斗閉門僵卧學袁安雪打風吹嬾開  
口又不見牛馬走短布單衣寒露肘長途汨沒笑李斯咸陽市上牽  
黃狗男兒壯志要似渭川雲夢竹不染塵埃出林麓又似蒼顏勁節  
松偃蹇孤高立巖谷雪中矯矯舞游龍霜裏涓涓濯寒玉春和長有  
拂雲青歲寒豈減昂霄綠野人曠蕩無所歸居無華屋膳無肉胸酒  
膽氣欲食牛世乏才能恥干祿高眠不復夢功名信步何曾限南北  
行藏無礙獨縱橫動靜隨緣少拘束從來任運合天真坦率人皆笑

粗俗儒生性僻不入時身老乾坤忘寵辱囊虛買譽百兩金日糴充  
饑五升粟頑然空洞腰十圍惟貯文章滿斯腹謾開電目燭五行徒  
援霜毫寫千幅祇聞張奉賤毛生未見夷吾憐鮑叔短琴一弄固有  
餘長歛三彈常不足噫嘻安得樂天都蓋洛陽城裏萬丈之白裘杜  
陵大庇天下寒士萬間之廣屋尊賢重道貽今羞大厦廣袍遂吾欲  
牀頭更有酒新熟綠蟻濡唇斟百斛此時不願萬戶侯何心更作九  
州牧山中宰相樂餘年管領邱園慰幽獨雪邊吟詠足逍遙月下壺  
觴倍清淑閑鋪碁局伴爐熏滿吸湖光飲山淥含烟細草疊芳裯過  
雨餘花呈繡褥王侯卿相非我儔牧圍樵漁是予屬四時佳景盡來  
歸泉石煙霞皆素蓄笑拖長袖醉春風寄傲軒窗百斯福

山中遊

木翳兮林深境幽兮徑平峰高兮月小澗古兮泉清霧氤氳兮圖形  
水颺颺兮琴聲春欲暮兮鳥啼花落秋將至兮鶴唳猿驚膏吾車兮  
整吾駕將有事乎林垌晨發爰啟載輿載征訪仙人兮琳宮扣釋子

之玄扁高掛浮丘遠邀廣成拾丹川之瑤草採翠嚙之瓊英掘棲烟  
之枸杞劇含露之猪苓駐子顏兮長春延子年兮遐齡與日月兮同  
光借天地兮不傾蔽明兮掩聰凝神兮畜精心清兮欲寡體安兮氣  
寧絕交息游罷送休迎不記晦朔寧知虧盈不事王侯寧識公卿雖  
乏鐘鼎之貴終無鈇鉞之刑塵韁莫繫世網曷縈得失一致寵辱不  
驚何必論泰山之重鴻毛之輕麻衣之賤金章之榮又何必計蠅頭  
微利蝸角虛名長途擾擾鬧市營營蹈草廬之高躅誦陋室之佳銘  
土牀石枕霧帳雲屏依稀和靖彷彿淵明玩庭梅之冷豔嗅籬菊之  
秋馨聽鶯鷓之求友呼鷗鷺以完盟展奇松之軒蓋鋪軟草之氍茵  
臨清流兮洗耳汲滄浪兮濯纓躬耕幽嶼獨釣荒汀酒船茶竈詩卷  
碁枰樵漁賓客牧圍弟兄更唱迭和極論深評雲邊橫笛月下吹笙  
隨心去住任性縱橫緬思疇昔慶快平生襟懷洒落胸次崢嶸逍遙  
丘壑放張身形悠然遺世脫爾忘情迴視彼抗塵走俗之輩蜂房課  
蜜之功甚時可辨蟻穴封侯之夢何日能醒亦何異於填海之精衛

良可悲夫燒空之火螢

幅巾杖履晚遊南北山間興賦

南峰翠凝黛北巘青堆藍橫空青翠色照眼雙玉環峩峩金芙蓉迴  
出兩嶼間層巒挺奇秀怪石蹲堅頑孤高處士容窈窕佳人顏處士  
氣節剛佳人體態閑崑巖幾千尺絕頂難躋攀俯視眾山小下列臣  
妾班尊重朝諸侯峻險服百蠻檜栢崇岡列蓀芷淺澗灣松風度長  
林玉珮鳴珊珊寒泉漱石齒琴瑟鳴潺潺下有猿乘飛上有雲往還  
老翁居其中霜眉鬢爛斑野服白接羅絲絳青玉環林泉日徜徉杖  
策時盤桓幽尋樂有餘清賞興不慳壺觴雜尊俎談笑生餘歡游心  
天地外無復思塵寰寧憂宦海深豈畏世路艱風林塵虛空雲楊詩  
夢殘起視萬松頂素月流寒山

北山遊

北山山色青更青堆藍積翠開畫屏浮空突兀百千丈駕梁峙石勞  
六丁自從太極既判混沌死天開地闢知幾齡東西橫亘一萬里遠



迎岱嶽連滄溟晨昏礙日遮月星往往不雨轟雷霆荒烟霾霧虎豹  
隱深淵大澤龍蛇腥幽花野草不識名天風時送芳樹馨風雲變態  
皆可玩烟光嵐影浮虛櫺有如佳人在空谷體貌閑野尤娉婷人間  
歲月不復記祇隨寒燠觀堯奠神仙宮殿梵王宅螭藏鳳隱凌青冥  
金鐘玉磬聞遠近洞門無人長不扃道士昔誦蕊珠經功成騎鵝朝  
帝廷腰懸環珮雜宮徵鈞天音樂風泠泠邇來歷世經累劫丹書寶  
篆猶鐫銘摩挲石刻一慷慨頓覺胷次洗空世慮塵夢醒彈碁坐盤  
石遺音繞指穿林垆山靈鼓舞山鬼嘯常有白鶴飛來聽湘妃漢女  
亦遊玩載以霧轂乘雲輶登高採妙藥長鑱短鏹鉏茯苓天瓢瀉石  
髓瑤杯斟醪醕飲之似欲生羽翎神清氣定百脈寧下視人寰烏兔  
急東生西沒何時停尋名訪利浪自苦便欲脫去世俗凡陋無用七  
尺之軀形遊行無礙少拘束化爲天壤之內不老不死千秋萬古英  
爽之精靈

登九龍山訪孝標遺跡月下飲酒

杖藜扶我登九龍輕鞋短袂隨天風九龍飛去幾千載雲閣松老青  
山空孝標先生骨應朽清名與山同始終荒烟衰草迷古洞惟有皎  
皎之月栖清楓酒邊半酣弄明月月光忽落酒杯中舉杯歡笑和月  
吸清光散入胷次照我突兀礪魄之孤衷平生所蘊剛毅氣洞然明  
白無隱容信知古人嗜好不在酒愛其果能**發英銳之志醞釀麴**  
**蘖之奇功興懷不盡下山去明月又在天南**東

中秋懷古玩月

空明仙人遊廣寒挾予飛入青雲端罡風吹上九萬里冰輪直駕穩  
且安碧天空闊高而寬巍巍金闕非人間瓊樓紺宇開萬戶水晶宮  
殿銀闌千圍圓青銅鏡燦爛白玉盤寒芒耀今昔素液流肺肝滿身  
風露毛髮爽一衿冰雪衣袂單雲邊有女騎綵鸞清歌妙舞美且閑  
笙簫迭奏音調古二十五絲錯雜彈姮娥遺我長生丹服餌久久生  
羽翰朱唇綠鬢顏色好骨剛體健力不殫殷勤再拜謝明月清光留  
作千載觀

東鄰叟歌

君莫羨東鄰叟囊貯黃金動盈斗粉白黛綠眩目前十二金釵圍座右袖中曲譜貴新奇五典三墳不知有往來冠蓋盡英豪駿馬金鞍結良友天公未必長爾私有有限歡娛豈能久華堂歛忍變荒丘落日牛羊亂馳走羨君莫笑西家翁身長七尺眉頰豐閉門不肯學干謁半世不識王與公無心去較蠅頭利有口嬾談麟閣功茅屋頽垣常漏月麻衣短袂不蔽風儲乏陳紅之三斗心有至赤之孤忠對客張眉惟說理向人捫腹肯話窮胸中豪氣千丈虹壯志不下陳元龍百年富貴如飄蓬是非榮辱轉眼空珊瑚數尺將安庸季倫愚癡真駮童夢回金谷春已去欲尋往事俱無踪但見荒烟衰草寂寞棲春紅繁花散亂歌舞歇行人撫掌笑石崇首陽山人恨不逢食薇不飽樂在中至今姓字不磨滅皎如日月懸高穹但見天地之內光輝照耀南北連西東清風遐播億萬古而我無盡物有終俯視沈湎聲利輩空中短燄風裏蟲

夢中役

夢中亦役役醒後愈囂囂更役役暮暮還朝朝奔馳天地老汨  
沒歲月消貧賤安吾常不泰復不驕峰頂絕涓流海底無炎熇崇岡  
不受浸洪濤揆容燒變化乃浮雲喧轟實狂潮滄海豈加深青山靡  
增高人生本有性益損無纖毫胡爲百年間綠鬢成霜鬣區區聲利  
場秋風吹征袍迅速驚烏兔攀緣愧猿猱塵韁日縈絆勢焰時煎熬  
行將脫塵俗富貴輕鴻毛聳身烟雲端矯首謝俊豪

第一人間快活丸歌贈芙蓉峰蓑衣閑道人貫酸齋號雲石社  
至翰林學士休官辭祿或隱屠沽或侶樵牧人莫測其機嘗  
於臨安鬧市中立牌額貨賣第一人間快活丸人有買者展  
兩手一大笑示之領其意者亦笑而去

芙蓉仙人冰玉質貌粹骨剛長八尺閱遍塵寰擾擾人玄鬢朱脣雙  
眼碧利名場裏寡交游勢要途中絕蹤跡世誇豪富尙榮辱信手拈  
來笑輕擲留得人間快活丸行住之間常服食平生顛沛藉扶持什

襲珍藏深護惜吞不得吐不得快活滿懷言不及十分瑩潔滅瑕疵  
一味無求甚奇特香通九竅達四肢淨若明珠赤如日解歇馳求嗜  
欲狂能除奔競貪婪疾非辛非辣復非酸不苦不甜還不澁天然風  
韻妙無倫不讓醍醐寧數蜜食之氣定百脈寧肌肉豐腴美顏色融  
和春意動鬚眉體健身強百斯力等閑愈嚼味愈嘉肪白膚黃炙逾  
出時時拈弄與人看驚走凡愚耀今昔擬將斯藥壽斯民低價無人  
肯酬直風月笛烟霞屐絲蓑衣青箬笠五湖四海足徜徉萬水千山  
恣游歷邇來歸臥白雲巔晦跡韜光那尋覓雲封讀易臺澗逸彈琴  
室遠岫正堪觀纖埃焉敢入採山釣水拾松花千載清風有何極衣  
袂飄飄翠袖寒直上金盆峰頂立飲我紫霞卮坐我蒼苔石說盡萬  
事非驚歎羣迷癖嵐氣潤冠裳山光浮座席踢翻煮藥爐砍破長生  
術洞門無人常不扃開盡碧桃春寂寂長安車馬任喧阗人說公卿  
都不識

樵雲老人獨唱歌

樵雲老人年七十髮白雙瞳黑如漆喜唱人間快活歌好吹酒後無  
聲笛一聲吹動嶺上白雲飛一聲吹動山巔明月出驚醒松梢野鶴  
栖喚起波心海蛟螫老來湖海友朋稀貌古形衰無氣力盡日疎齋  
坦腹眠五斗濁醪時自適常遊野墅劇歡愉每對南山抱岑寂張三  
李四懶結交黃八趙二不相識自歌自舞興懷真獨步獨行神思逸  
家無生產萬鎰金囊蓄樵雲獨唱集杜撰八陽經何止三千帙醉墨  
淋漓不整齊粗言跌宕唯真率丈夫志氣脫清塵村媪嬌羞貴妝飾  
長蛇出穴眾盡驚駿馬下坡人辟易瀑巖溜斷峽泉飛茶鼎濤翻海  
波溢光寒孕出蚌腹珠聲雄擊碎鴻門壁千尋檜柏秀奇峰一片莓  
苔裏頑石祇圖豪放旨趣高肯蹈凡庸陳腐失曹劉沈謝丈夫行江  
左風流亦勅敵自愧滕薛微敢與齊晉匹雖乏經邦辭頗盡歸耕術  
洗淨功名疵滌空聲利疾星斗燦心胸烟霞生肘腋玉澗奏瑤琴銀  
河瀉瓊液松雪滿草衣巖扉洒石壁空翠撲晴軒虛白凝宵室毫端  
錦繡機奚藉天孫織語險神鬼愁言奇魍魅泣懦夫忽剛強義士彌

感激山靈為起舞萬象咸拱立已免世俗羈猶負林泉癖飲酣拍手  
呼李白便倒壺觴同座席共話斯文喪亂後餘子碌碌焉足恤固多  
狗尾可續貂其奈羊皮殊豹質噫嘘安得快剪刀剪取雲夢之竹束  
作筆刪削鄭衛淫剷除妖豔習幹回正始音書寫大雅什烜赫照乾  
坤焜耀當白日清風億萬年輝彩千百尺妙理造幽微芳馨著今昔  
虎嘯龍吟天地間蚬唱蠅鳴俱屏跡狂瀾捲盡江漢清陰霾散去山  
峰碧註或問予日子何易易以詩言也檜柏秀奇喻詩之美固佳矣  
奈何以區區之頑石比之子何易易以詩言也子語之曰費千  
金之財不能分寸移之竭萬夫之力不能易毫動之寒暑不能改其  
容冰霜不能變其節齊天地之終始閱漢唐之盛衰遇狂瀾則為砥  
柱於中流而不傾處峻險則聳孤標於絕頂而不倚水不得而漂火  
不得而燬斧斤不能琢其質寵賚不能移其守巍然不怠巋然長存  
置之渭水左右嚴灘南東傲睨青徑雄攬翠峰俯瞰長流仰揖喬松  
芝蘭圍繞莓苔裏封延皓月納清風麋鹿聚猿鶴從別有遺世高士  
脫塵異翁志氣高邁趣向雍容慕其高抗樂此幽奇振衣晏坐策杖  
追隨彈琴鼓瑟飲酒賦詩朝夕玩賞頃刻弗違在昔豪傑之輩同坐  
口石而談世事放達之徒忘情醉石以消歲時英雄遺逸今不復見  
此名此石逾千載而靡墮子將高蹈遠引遙紹於諸老不識吾子以  
為何如於是客喜而笑揮子  
而退吾乃深觚引墨而書之

雲顛天民獨樂歌

雲顛天民身健武屈指今年七十五衰鬢凝霜暖不消吟眸掣電明  
堪觀耳聾尙可聽蕭韶舌在猶能話今古風標凜凜瘦如松意氣堂  
堂獰似虎生平快活不識愁祇有攢眉作詩苦得句狂呼笑點頭論  
文猛拍忙搔首栖林玄鶴爲驚飛出岫白雲俄退走梅邊竹笛半醉  
吹石上桐琴一長撫飯後歡陪夜月遊飲酣喜對春風舞常呼晨霧  
鎖松扃遠引寒泉環竹戶困尋陸羽寫茶經閑訪陶潛鈔菊譜人間  
俯仰計總非目下恩榮樂寧久何如邱壑了餘生渴飲飢餐飽摩肚  
兒學躬耕僕飯牛歸而斗酒謀諸婦客至從嗔不與言坐對蓉峰懶  
開口不將蹤跡出人前高眠月嶺煙霞塢已知身世足優游惟愧乾  
坤無報補呵呵呵呵真草莽收拾閑名莫辜負從教世俗罵癡狂任  
彼時人笑愚魯

採蓮曲

若耶溪頭同採蓮濃妝豔抹誇少年綠荷萬柄映碧水吳姬照影羞  
嬋娟一雙鴛鴦在芳渚見此躊躇空自憐去年送郎別江滸郎君上



馬妾在船湖光潋灩香旖旎酒味冷冽花鮮妍今年花謝香應老漫  
郎漫郎何當還

吳江女娘冰玉肌薄抹膩粉厚抹脂蘭舟蕩漾翠波裏花開爛熳香  
風吹蓮心苦難食食之不療飢藕絲短難織織之不成衣採蓮採蓮  
人未歸山長水遠歸何時

江上晚來新雨過亭亭芙蓉在綠水芳洲香霧雜紅雲蘭舟喜殺濃  
妝女年來年去世情空花落花開香十里今年歡笑復明年幾向花  
前共花語荷花顏色只如舊妾顏未必長嬌美只愁八月隕清霜吳  
中一夜秋風起

荷花嬌媚人共誇九洲三島蒸紅霞採蓮女郎十數輩唯有阿姨顏  
色嬌如花首從嫁後懶梳洗十年不見音信賒管取明年採蓮去撐  
船直過阿姨家

苦雨歎

久雨未便晴昏烟翳穹昊出門泥濘步難行十步九折憂絕倒蘚跡

雜苔文侵階風不掃由春至夏百餘朝雨脚如麻幾時了樂事賞心  
何暇論尺薪斗粟無從討縱有高車可出遊濕雲遮斷繁華道杜陵  
野老數吞聲滿牀屋漏吟情惱山翁放達不識愁無端爲爾傷懷抱  
南山豆亦荒北嶼松應老東園欲語花西徑忘憂草笑臉嬌啼膩粉  
銷檀心懶吐芳香稿綠怨紅羞旣寂寞蜂慵蝶困庸圍繞千葩萬卉  
總消磨庭下決明顏色好何當散陰霾放出日曠曠麗景穠鮮萬國  
明晴光浩蕩千峰曉

江南懷古

仗劍出西遊來遊帝王州登高望故國感慨彈箏篴長歌四五發雲  
物慘不收歌聲忽悲壯江漢不敢流峩峩天目山王氣今已休英主  
從北來長驅勢莫留浮雲捲旌旗天兵動戈矛國破佳人死時危志  
士憂遂令歌舞地夜雨鳴松楸野殿莓苔古荒城烏鼠秋茫茫古帝  
魂千古不可求神飛故宮遠月出西陵幽淒涼白雲鄉寂寞芳草洲  
我欲弔古跡落日寒颼颼無言一樽酒悲風起閑愁

梅友公遊芙蓉峰探神仙遺跡登高長嘯俯視塵世然後朗吟  
步月而歸自魏晉之下曹氏父子桓溫庾亮之徒登高對月  
飲酒賦詩其後寂寥千年世無斯樂今公乃能以雅道繼之  
蓋庶幾焉予足不至此山幾年矣因公之遊遂喚醒舊夢從  
道復出詩見示遂次韻焉

空山學仙子乘鸞烟霧溼夜深吹洞簫聲斷鳳凰泣佳人去後不歸  
來寒雲古路迷黃埃當年舊事總陳迹回首此意千古空崔嵬杉松  
弄影擎仙蓋玉宇寥寥浮爽塏洞門無鎖晝不扃雲窗雪浪聲澎湃  
短世茫茫赴急流功名悞我三千秋人間詩仰竟何補便欲對此乘  
虛舟登高探異物夢寐皆彷彿凜然心肺開肝膽忽突兀中有一人  
眉髮奇不言不笑看晴霏芙蓉爲裳雲爲衣三花樹下容巍巍隔水  
微茫相對久贈子靈芝飲予酒拍手相從入紫霞不覺麻衣溼寒溜  
忽然而去不復贖山雲叫斷無人聽是中誰讀黃庭經耳邊忽度琅  
琅聲醉筆題新詩戲拈爛墨澆淋漓西山紅日忽已失新月夜上橫

蛾眉而袖天風清九竅歸去恐爲神鬼笑興懷不盡下山來洞口巖  
花羞自照

謝陳國賓見寄

陳兄貽我山中詩隨風落空成珠璣寒光繞壁夜窗紫清聲響澗山  
泉飛杜陵去後天無功飄飄千石遺悲風老矣入雲霄漢黑大龍上  
天江海空知君筆有萬牛力追轉風騷氣無敵辭豐意遠欲乘虛天  
高風冷寒生骨作詩爲謝來意勤自慚仄缶無美音闌干一撫三歎  
息天風西來洗子心

金華尉趙德夫祈雨有感

陽烏赫赫明高穹火雲不雨天西東晴波渴飲千丈虹嘉穀稿死生  
蟲蟲金華趙宰亦憫龍陳詞涕泣呼天公食天之祿因農功視農不  
救寧爲忠下人無罪天所容願爲斯責歸微躬志誠直通龍伯宮須  
臾遣出雙玉龍利爪排空怒且雄阿香推車海若從鞭雲駕雨隨天  
風下與人世爲年豐要令飢旅顏回童少焉雲散天宇空神龍却歸

潭水中廟閑山空鼓鼙鼙

謝李從道見寄

漢唐之世多俊賢才高有如橫海鱣搜索異景不得潛驪珠一夜飛  
上天江左風流亦可憐高談出口如湧泉近來諸子無足言白雞夢  
破千千年斯文無人世所寃遣公出世扶其巔遨遊八極乘紫烟絳  
旂丹轂驅我先我生嗜酒無一錢酒酣落筆驚四筵見公始覺心茫  
然仰天大笑呼謫仙天風欲落雲錦篇皎如明月墮我前寒光耿耿  
江底懸魚龍夜抱星斗眠議論滔滔來百川似欲上拍曹劉肩有人  
如此猶棄捐朱顏改後寧復妍願爲羲和執玉鞭駕馭白日青雲邊  
請公早上登封箋

古意

我本山中人不爲世網牽寓情猿鶴間寄興鷗鷺邊掃花淨石徑烹  
茶汲溪泉神遊三洞雲耳洗千尺淵兩手弄明月雙腳踏紫烟胡爲  
塵埃中脫屣未斷緣動有飢渴憂幸無勢利纏何當駕天風飛上青

峰巔聳身天地外凝心混沌先俯首謝人世一笑千千年

古意

堂堂七尺軀處此人間世秋月與春花讌賞長遊戲杯酒屢勸酬拚  
飲寧辭醉焉能百年中遽作千載計俯仰天地寬久客不知愧安得  
生羽翰嘯入烟霞去從茲億萬古瀟酒風塵外

古意

夷齊借盜跖耳目略相類樗櫟雜椅桐枝葉良不異薰蕕稍有殊妍  
醜從此始鳧短鶴翎長諒不殊此理得失了莫齊一笑天地裏

題聽香亭梅花卷

山空木落凋繁卉政苦蠻烟愁瘴雨南枝此際特清奇獨抱孤真巖  
谷裏水鄉雲路寡相知惟友風姨交月姊江南歲晏淡妝束沙上無  
人薄梳洗丰姿瀟酒態度閑修竹疏籬茅屋底羅浮日冷水欲冰凍  
靄昏霾江路陰殘雪消遲霜魄出一梢寒彩明空林人知鼻嗅目善  
睹豈知劫外春光澹蕩春意深平生不識宋廣平但識鐵石腸肚珠

玉之胸襟平生不識桃與李奇松勁柏屹立千仞之雲岑惟許孤鸞  
雙鳳見豈容如蝶狂蜂尋幽香旖旎薰宇宙芳流不盡古至今暮齡  
作事愧顛倒聽不以耳惟以心瑤琴三弄枯樹下摩挲老眼觀妙音  
西湖處士寧復道東坡先生骨應槁邇來八萬四千載只有梅花顏  
色好羌笛聲高舊夢醒玉樓人去東風杳橫斜浮動未要論奇芬不  
在枝頭老

再賦聽香亭 并序

予既賦聽香亭梅花詩書於卷尾已而興懶神疲高臥雲樹  
之下夢美人玉容冰質風環雲珮揖予而言日子之詩雖美  
矣何獨於聽香微旨乏吟詠遂俾幽姿減豔雅態違歡公能  
不遺幸續賜題品使枯荻朽幹頓發奇芳幽谷寒巖倍增春  
色豈惟無負於梅花而不肖亦免以藉口伏惟司花之真宰  
不識吾子以爲何如子乃劃然而寤卽操觚洒墨復題一詩  
雖未足驚羣聊以謝六橋么鳳爾

聽香亭畔春風起吹折瓊花三兩蕊烟梢留宿白雲飛橫渡溪橋歸  
海嶼雪消南國近黃昏月照前村半江水五更霜重玉容寒吟翁睡  
足茅屋底夢中非我亦非梅非鼻非心復非耳但見芬芳徧太虛唯  
聆馥郁迴寰宇幽馨和凍墮琴牀旣旣肝腸熏骨髓胸次崢嶸妙莫  
窺襟懷洒落奇無比醉後頻驚往事空醒來倍覺吾廬美疏影橫斜  
澗沼中韶光浩蕩乾坤裏雌蝶雄蜂浪自狂山猿野鶴深相喜畫角  
高酣興不孤玉簫婉婉情難已霧口江南去路迷羅浮望斷知何許  
擬祛聲跡絕聞塵汲引深情爲君洗

畫竹王汝明爲賦

永和年間王子猷月林吟嘯最風流禿錫渴飲三斗墨爲寫琅玕萬  
頃秋元祐年間文與可四絕聲名落江左渭川千畝在心胸噴飯滿  
案饒唾墮此君高躅只如此二老遺踪成坎坷王生畫竹妙逼真清  
奇不愧前朝人情空意定偶一掃坐令寒巖空谷回陽春我疑此子  
有神助不然何以得此胸次瑩潔不受纖埃侵孤標勁節冠古今霜



容冰彩勢百尋往往青鸞借紫鳳飛來錯認舞且吟常訝涼飈生座右耳邊似聽蒼龍吼煩君留意重珍藏儻遇雲雷恐飛走

疎齋清樂

衣袂翩翩羽扇輕草廬瀟洒興懷清孤桐調逐秋雲杳老桂香陪夜月明附龍攀鳳雖寡術呼鷗喚鷺足尋盟蘭臺一任無聲譽竹帛從教缺姓名白石清泉皆屬我黃花翠竹正關情日高丈六猶慵起石枕松風夢未醒

秋冬之交雷電大作

蓐收行秋將滿秩解印榮歸嚴辦集清道迎冬俟臘來積雪嚴霜應有日遺蝗入地作年豐禾黍登場吾事畢九月中旬之望夕天大雷霆轟霹靂蝦蟆蚯蚓盡出遊碧潭驚起蛟龍蟄炎炎溽暑勝暮春赤日行天欲焚炙玄英勒駕遽奔迴意恐中途例遭殛電掣金蛇走林莽勢似金桴擊天鼓浮花浪蕊亂青紅癡蝶狂蜂恣飛舞唯貪過眼暫繁華寧慮來年百斯苦應是蒼生罪惡深過犯彌天致天怒我願

天公憐赤子撫綏恩育宜如故渴飲飢餐貴得時夏熱冬寒合常度  
寄聲司令省厥躬燮理陰陽勿乖悞

偶成

我生落魄何所爲百年生計巢南枝迎風吸露飲山淥枕泉漱石吟  
新詩一絲不掛心自樂淡然性靈學無學洗耳熟聽空山猿知心更  
有空山鶴漫漫長夜何時晨紛紛塵世何日清補糟醜難自強獨  
醒肯圖千古名君不見嚴光片石生白雲江湖夜永秋水深碧絲掌  
動潭底月直鈎鈞斷人間心

寄王善甫

昔公會住金芙蓉白雲爲侶棲丹峰乾坤爽氣星斗胸手弄明月烟  
霧中十年燈下詩書工今年試藝棘闈中其氣似欲附冥鴻拍翅天  
水搖天風行將杖策朝聖主豈止小展天南東願公獻賦明光宮直  
驅造化超洪濛筆陣縱橫誰敢攻八荒一掃空姦雄致君在上竭我  
忠要令四海歌重瞳有如醫王逞神功下與濁世鍼盲聾夢魂夜夜

思見公凝望不來憂心忡  
人生飄忽浮萍蹤百年光景轉  
眼終秋風  
道士會相遇便須握手一笑談  
空空

送洛陽陳秀才

蘇秦辯口人共知黑貂做盡  
朋舊疏六侯相印幸得佩一  
朝身戮埋荒墟賈生才調天  
下奇幾年獻策承明廬讒言  
入耳竟不用長沙抱恨何嘗  
紆玉川先生妙人物秋風破  
屋聊自居觀其大節死不變  
家中豈有擔石儲香山居士  
亦足數達哉達哉誰得如一  
程兄弟百世士孔孟之道賴  
以舒談經說理妙無盡天下  
學徒蒸餿車堯夫君寶古淳  
士胷中包裹混沌初西京華  
麗推第一春光只照二老閭  
前乎說客姑且置後來賢哲  
世所譽洛陽古俗稱多士遺  
風掃地今無餘陳生亦是嵩  
山客從軍久戍江南漘彎弓  
走馬非所慕無事閉門常  
讀書抱琴辭我欲歸去因思  
往事難自據歸歟瞑坐儻神  
會爲言每談斯道未必不爲  
太息涕淚增歎歎

招友人歸隱行

中郎一絕髮不音流水無思山無情仲尼一爲麟後塵乾坤日月無  
光明聖賢自古多懣軻吁嗟吾子難獨鳴青衫雖貴何足欽黑貂未  
敝君休驚片言不用脫屣去富貴於我浮雲輕日飲一瓢豈子辱日  
餐萬錢非我榮進退於道苟無愧對人何必面發頰幸有浮蛆之桑  
落爲君斟酌平生誠幸有栖鸞之桐木爲君彈出無絃聲一彈石澗  
漱寒玉再彈滿耳松風清酒酣更鼓三五曲魚龍鼓舞波濤縈男兒  
出處須磊落肯同兒女徒營營麻鞋布衲見天子誰能干謁公與卿  
指蹤利害談世事坐令海內皆昇平不將歸臥南山陰荷衣未必輸  
塵纓青山綠野總舊物白鷗玄鶴皆昔盟上飲千尋之澗瀑下採百  
歲之春英食之不飢復不老永爲終古天地精斯言雖鄙儻見聽便  
當盡決滄浪之水淨洗平生不朽無用之虛名

我出何所適

我出何所適行吟對晴暉著我烟霞屐製我芙蓉衣天風扶瘦策山  
雲鎖幽扉下同麋鹿遊上與猿鶴飛小草陳野色幽花發餘輝無一

不自得深愧疇昔非嗟彼世網中對面觸禍機樽俎潛鳩毒笑談雜  
嘲譏甘心陷危辱疇能察先幾世緣吾已斷世好吾已微惟有金華  
峰相看不曾違榮華雖足貴林泉不如歸去去不復返永食南山薇

次韻靈源唯堂上人遊九龍山

羣峰嵯峨互相依九龍跳躍萬馬隨蒼松怪石倚天碧嵐氣日夕沾  
人衣幽花野草香澗谷山中寒暑自四時孝標當年隱其內勁節上  
與山爭奇紛紛餘輩方進取誰能退縮山之陔困來和雲卧白石醒  
後衝烟登紫微古今名刹天下重此子似欲一手提白頭老僧好事  
者泛覽景物裁爲詩使我一讀重太息玩味展轉忘其疲世途擾攘  
吾已厭便欲命駕尋荒祠左驂白鹿右黃鶴與子相從不爾離

芙蓉堂次鄭氏子韻

芙蓉堂中見佳什與君似有三生約高才磊落亦堪憐誰謂今人不  
如昨我疑此子胸有天地春不然別有一丘壑男兒趣向貴如此慎  
勿戀他兒女樂一襟爽氣已逼人塵氛不假滄浪濯筆端滾滾龍蛇

飛紙上霏霏烟霧落謫仙蘇二呼不來江湖夜雨蛩聲哀觀子新詩  
何所似秋空一鶴山崔巍山靈起舞神鬼笑林泉變色雲屏開波光  
月色清可掬風露滿身寒肅肅還君此子不復言驪龍抱珠海底浴

我家北山下

我家北山下脫冠解塵襟古屋三五間秋風白雲深功名不掛口豈  
受歲月侵青山長在眼白髮任滿簪有酒可以斟有詩可以吟野禽  
可當曲澗水可當琴醉行無雅態狂歌有遺音逍遙黃葉徑蕭散清  
風林涼颺吹我鬢涼月洗我心風靜月不留我心無古今

樟木歌  
樟木歌  
琴瑟創府廳事幕官入山有巨木者咸取之予鄰有樟木  
亭亭若仙蓋罔知歲年父老相傳歷五季趙宋云予暇日往  
還吟嘯於其下至是例辱斧斤賦長句弔之

古木千年隱林麓傲雪凌寒久幽獨霜皮雖無四十圍中有昂霄氣  
盈掬孔明廟前色頗同草堂詩老慣撫育雨淋日炙歲月摩幹槁根  
摧忽顛踣樵夫芻客不我顧長伴蒼苔映寒綠今年公府創高堂梁

棟求之苦不足幕官騎馬自入山匠者驅馳如鬼速自慚拙才復何  
用例辱斧斤蒙齒錄山翁因笑百無能一生支離同此木撫木三歎  
爲木言如此獎擢非我欲不願爾爲秦皇阿房宮不願爾爲漢武黃  
金屋兩君富貴驕且盈是中唯蓄美女藏珠玉但願爾爲幽人廬滿  
貯烟霞寄空谷有時惟聞讀古書凜凜忠義橫在腹有時惟聞彈古  
桐高調淒涼聲斷續否則構作承明廬巋然長在天子目廣延天下  
之英豪獻可替否千王祿此時不獨爾木榮四海蒼生盡蒙福

月夜泛舟

今夕何夕夜未終長空月出光瞳矐乾坤一色淨如鏡水天上下磨  
寒銅晃如徑寸珠高耀馮夷宮清寒泣神鬼奇怪驚蛟龍我乘萬斛  
舟直入玻璃宮雙槳擊空明孤帆颺天風狂吟發長嘯有似蘇長公  
湘水居其西采石居其東屈原與李白此地遺高蹤我處二者間拍  
手招兩翁獨醒醉魄呼不返扣舷大叫應耳聾百年清賞誰與同茫  
茫千載情何窮採蘭芷兮水冷探明珠兮江空詩成太息無可語因

風寄與天地之內古今不朽之羣雄

芙蓉峰下有梵宮曰智者禪苑寺左右塘蓮盛開僧與文士賡  
和者多予次其韻

馮夷仙人冰玉瑩綠蓋雲鬢踏明鏡嫣然一笑隔烟波露溼胭脂容  
貌正道人心地亦清雅不染淤泥出正定豈無奇士同品題亦有山  
僧共涵泳芙蓉山色秋更耀斜日黯紅愁對影喚回西子昔年夢淡  
妝濃抹嬌相並不向湖山逞顏色天香槁死無人境有如禪僧懶出  
遊白首甘心老鄉井

雪中見寄

六丁劍攬天地水倒瀉銀河洒寒雨舞空鱗甲動天風玉龍飛下玻  
璃浦乾坤萬里混清光廣寒誰借修月斧奇葩異卉恣點綴寧煩獺  
髓鸞膠補無朋懶棹子猷船何人肯叩袁安戶不愁僵臥酒杯空石  
鼎烹茶試鸚鵡

次韻



玄冥神人眼如水裁綺裁雲雨花雨翩然騎却玉麒麟東遊弱水西  
瑤圃手移泰華與祝融削平豈假巨靈斧似嫌塵世有高下紛紛亂  
把瓊瑤補夢裏渾疑月滿牀醒來但覺雲封戶銷金帳暖阿誰家唱  
飲羊羔醉鸚鵡

題唐子華春雲出谷圖

雲住山色佳雲去山骨瘦雲物屢變更青山但如舊子華亦何人胸  
有山水痼嗟峨萬疊青收拾在尺素春雲去何之出谷漸彌布滄鬱  
復氤氳天下期蓋覆忽然化甘霖江山起烟霧枯槁及枯木巨細沾  
雨露慎勿謾遮天掩蔽激眾怒無心我亦雲偶出非有故讀書幸不  
多早被儒冠悞巍然抗高節要與雲同步得失費卷舒坐閱歲月度  
富貴情易圖不義愧攀附負郭二頃田自足照衰暮殷勤送雲出我  
欲尋歸路

和王存誠洞天长篇

神仙姓字留丹書神仙舊宅巖谷居昔曾躡險探仙迹問我俗慮何

當除長生妙訣誠足學讀書萬卷將奚如曩思封侯食五鼎今愧半  
世成躑躅頭軀七尺走塵土多情白髮勞自梳因君贈我錦繡句夢  
魂日月金芙蓉桃源煙水但如昨欲尋舊路仍趑趄焉得瓊杯酌仙  
醕與子共駕五色車碧雲望斷杳莫致臨川結網徒羨魚已辦刀圭  
生羽翼脫凡換骨乘天輿長揖安期赤松去握手大笑憑空虛童髻  
綠鬢垂兩耳天風一任寒蕭疎

挽琳荆山上人

大德庚子春生我及此公同庚復同道同遊金芙蓉窮途事多違志  
願始不同公葺芰荷衣長嘯棲丹峰賦詩雜風騷屈宋或可宗字畫  
尤俊健下筆儕王鍾顛張興醉素豈敢稱書工從容笑語間已足驚  
兒童况負此二長儘可開盲聾奈何知者寡栖栖嘆無逢我抱七尺  
軀混迹塵埃中開口談世事吐氣如長虹性僻多忤物世俗似不容  
拂衣青山下浩歌樂無窮長琴彈夜月短笛吹天風無可無不可豈  
復憂窮通公今已下世年壽胡不豐我老天地裏歸然成一翁平生

襪線才愧乏補報功同生不同歸又復異始終出處了莫齊太息天  
宇空

春雪

百花憔悴東風寒六花爛熳開正繁東君似欲誇富貴瓊臺玉榭眞  
珠闌綠楊無力晴拋絮青松不老雲生樹貪觀天女跨鸞歸失却仙  
人騎鶴處斜斜整整復霏霏却憶銜枚入蔡圍奇功未立英雄老壯  
志雖存氣力衰酒酣舞劍情難歇指點銀瓶莫教竭醉中猶自憶當  
時鵝鴨城邊一池月

童子良和徐曉山春暮行樂

落花香徑紅堆積鶯老慵歌蝶慵拍平生愛花復愛春爲見春歸痛  
憐惜杖藜拚却十日遊春風滿袖雲生屐功名於我果何有棄置有  
如機斷織但喜杯中面發紅寧愁鏡裏頭添白空嗟口讀書萬卷却  
笑身不滿七尺長安富貴輕薄見甘心老死黃塵陌大開冷眼看青  
山旋拾枯枝煮白石有手不掣東海鯨何心更釣西江鯽麻衣草履

萬念空深悟黃金同瓦礫因君語我徐曉山我亦聞名未曾識人生  
豈在見顏色但從意氣中相覓

美許士謙選壯丁有法

霜臺憲郎文且武曾侍繡衣持玉斧指揮猛士氣如虹要縛南山白  
額虎檄書下縣點壯丁十萬農夫勝羽林不跨黃牛騎赤馬腰弓直  
入秋雲深喪亂以來無定止民物蕭條半爲鬼郡縣誅求猶未已眼  
觀時宜淚如雨於戲安得老天開太平盡戮奸貪天下治

前題

烏臺憲史天下奇姓字久爲人所知風霜面目松柏操鐵石心腸冰  
玉肌羣凶肆虐干天誅潢池弄兵如小兒中原在處皆反側擾攘豈  
獨東南陞寓兵於農古王制憲史於此力主之羽書差兵以萬計頃  
刻而集敢後期厲兵秣馬在此舉指日要斬蚩尤旗廓平天宇清海  
嶽獻俘授馘朝丹墀東州老翁頭雪白拭目願見承平時南山有石  
踞如虎攜歸我欲鑄公碑

題松雲齋十五韻

青松如舞蛟白雲如游龍龍游化甘霖與世爲年豐  
蛟舞散清影利爪拏高穹二者無限奇盡入幽人宮  
幽人室懸磬隱約松雲中松秀悅耳目雲生盪心胸  
讀書坐雲石鼓琴雜松風無往不自得深喜世慮空  
披雲採松花何啻食萬鍾萬鍾食有盡松花味無窮  
松雲幸無恙天地同始終扶筇一相顧摩雲撫孤松  
問松幾何年適與雲會同松靜了不言雲去尋無踪  
回首萬峰頂但見山重重

聞東陽太守趙子威牧守有理詩以美之

曾爲御史

東陽太守廉而忠風骨自是人中龍分明面帶冰霜容  
雙眸炯炯懸方瞳皎然一鏡磨青銅世間何物堪蔽蒙  
昔年眷顧恩寵隆繡衣持斧騎碧驄如今五馬白玉驥  
下飲雙溪浙水東金鞍玉轡相磨礪大江南來財阜豐  
貢賦號稱天下雄邇來盜賊飛螽蟊潢池弄兵驚兒  
童貪官汚吏復妄庸誅求何異蠹與蜂饕餮不已民心  
忡温處在在擁兵鋒花溪小邑俱烟烽可憐州郡一掃  
空明公撫安竭至衷志誠

感物人共宗揚清激濁體太穹見善是輔惡乃攻不吐不如恪且恭  
視民疾苦勞厥躬愛育備至久不慵有如明醫治盲聾盲能再覩聾  
再聰又如大造運化工初不用力理自融十日一雨五日風根器厚  
薄隨所逢春風桃李秋芙蓉白者俾白紅俾紅有蔬可茹穀可舂化  
工何恩及吾農父老感激涕淚濛不圖見此嬰鑠翁我願公心與天  
通舍其小者大是從廣陳方略達九重盡化四海之羣凶賣劍買犢  
爲年豐不然上書乞總戎駕馭豪傑如轉蓬殄滅醜類無遺蹤四海  
混一車書同廓平天宇路不壅露布直到天子宮獻俘受馘太廟中  
修文偃武開辟雍剋期封禪泰華峰大快義士平生胸會當建此補  
袞功論功合受大國封堂堂政府養萬鍾揖遜進退咸肅雍身係安  
危勢位崇富貴豈下汾陽公海枯石爛物有終公之勳業高岱嵩公  
之令德傳無窮

丙申六月十六日軍亂吳德基賦詩紀事張純誠袖其詩來求

和用韻述所見云 張九四據蘇州發兵五百人赴杭省軍遂

干戈久不息百苦無一樂縣官急徵需貧富悉籠絡西州正擊賊尊  
拳日相搏賊馬當道馳賊舟沿海泊盜賊固梟張官軍愈鷹掠征討  
五六年賊勢未便削朝憂飯甑空暮歎衣袖薄點軍五百輩顧望累  
退却太倉萬斛粟食爾欲深託餘粒猶在咽吐之若糟粕返旆擬攻  
城長刀忍相斫傷心百姓財剽奪入己橐朝廷養此曹不啻如巨膊  
如何負國恩幸然尋就縛老夫鐵石腸見此淚迸落形容爲枯槁肌  
膚倍消索深悲世事非屢日情懷惡皇天未厭亂旱魃尤肆虐不雨  
逾半年何由增廩爨天道旣靡常人心益惶霍民食轉艱難軍儲盍  
圖度終朝僅一餐無乃太儉約雖免死甲兵猶恐填溝壑丈夫幸聽  
之未用遽驚愕牧守任龔黃將帥命李郭牧布撫字恩將展經濟略  
天下不日清陰霾散寥廓

同前題又下字韻二首

叛軍日驕橫六月反城下長竿揭旌旂羣凶列行伍蘭江接金華膏

血腥草莽老弱皆竄亡奔馳實勞苦崎嶇扶父翁艱難負兒女萬死  
獲一生存行李何暇取飢餓復驚惶逢人語無緒數里絕行蹤孤村盡  
禾黍亂後始得歸飄零如逆旅蒼烟鎖荆扉青苔封石礎多謝故山  
雲護我彈琴所

兵驕亂紀律蕩然無上下雖乏噲等才恥與噲等伍江南久喪亂州  
郡俱榛莽况復此輩反黎庶不勝苦括囊索金銀殺人掠子女元惡  
幸誅擒所失寧復取治亂如理絲不理將失緒治田當去蠹不去終  
害黍軍容欲不驚先必肅其旅梁棟欲不傾先必正其礎措置果合  
宜何憂不得所

題愛柏軒古風

軒前古柏顏色蒼鬱如車蓋當兩廂霜皮雖無四十圍老幹似有千  
尺強雲梢已足庇猿鶴月樹或能栖鳳凰孔明廟前曾識面飽沾雨  
露凌雪霜清陰時作長蛟舞壯氣每學蒼龍翔虬枝直上九萬里陰  
覆天下爲清涼常疑夜半風雨響怒潮駕浪翻錢塘少焉女媧奏笙



簷仙人環珮朝玉皇歸然俯瞰君子室鸞臺鳳閣遙相望連費接棟  
眩青碧雕楹刻桷施鉛黃往來吟嘯謝樵牧冠蓋絡繹多金章嬌鞍  
駿馬勢豪逸珥貂鳴玉聲鏗鏘內中有人貌異常我冠大帶美且臧  
紫霞之佩雲錦裳當軒危坐軒中央手弄瑤琴音琅琅耳邊雅調流  
宮商金盤承露傾天漿忽然飲我瓊琚觴柏兮特立階砌下歲晚相  
對操愈剛豈無朱闌護文杏下視不啻兒女行奇才偃蹇不世出聲  
價豈減榎楠樟吁嗟爾柏後必昌大匠遇之未易量或爲柱石或棟  
梁豈可久客卿相傍慎勿構作祖龍宅驪山突兀之阿房慎勿構作  
黃金屋茂陵秋風之劉郎惟阱珍禽將奇獸多蓄美眷閉豔媿寧當  
架爲幽人廬三重茅屋山之陽雖無精金乏良玉餅儲斗粟書滿牀  
牀頭常留酒一缸壁上高懸琴一張讀書彈琴飲醇酎醉臥不夢封  
侯王死生無可無不可身無富貴名字香達則營建天子堂不傾不  
倚安四方招延英傑納俊良致君堯舜弼禹湯羣后歡呼趨廟廊要  
令華夏歌虞海宇雍熙萬姓康天錫百福壽命長子孫恃此傳無

疆柏兮汝與有耿光再三語柏柏無語願言終久無相忘

題王秉彝樂善堂

結廬在人世惟善以自將宅茲幽迥地遠彼勢利場古屋三四間秋  
風白雲鄉仁慈居壺奧禮義圍垣牆庭種三古槐門栽五垂楊芝蘭  
香四座花蕊映兩廂光輝謝金碧雕飾辭鉛黃吟榻青峰邊釣石綠  
沼旁窗前書萬卷膝上琴一張客至亦不惡茗椀偕酒觴客去但高  
臥不夢封侯王全無寵辱驚常有聲名香胸中萬念空併此身世忘  
祇存金石心靡替剛毅腸平生無所短而亦無所長平生不作惡善  
亦無可揚善惡俱兩遺長短未用量傍人患不足我樂殊未央樂此  
山水麗樂此松桂芳樂此烟霞古樂此風月良丘園之勝概泉石之  
膏肓豈止樂吾廬更樂斯民康古今之懿範天地之大綱無一不自  
樂其樂匪泛常其樂善無量聊以名此堂

題聽泉亭

枕石聽山泉看雲度流水水去動雲根泉鳴漱石齒神清萬竅風夢

破孤舟雨彷彿中郎琴泠泠響焦尾中含太古音分明合宮徵我老  
兩耳聾無心論臧否世事不願聞高臥茅屋底今朝偶聽泉爽氣侵  
骨髓毛髮爲洒淅肝膽忽磊塊取泉三咽之頓失平生鄙翩然欲憑  
虛乘風學輕舉豈意下劣資悟此清淨理喜極竟忘言徐徐與泉語  
慎勿戀空巖寒烟鎖秋渚慎勿伴高人幽賞無窮已旦夕赴瀛洲奔  
馳日千里長空捲雪濤聲撼天地裏潛蛟旣出遊蒼龍亦驚起恩波  
萬丈長大洗人間滓豈獨此亭中但滌巢由耳

姜明德醫學錄任滿詩用美之并以醫之利害語之

丈夫生世六尺軀飢餐渴飲當及期目觀鼻嗅耳司聽各職乃事爾  
勿離喜怒哀樂無妄施威賞之柄不倒持雍容進退正合宜天其相  
汝百福隨神清慮淡壽且耆顏色豐澤毛髮黟無不足兮何所望子  
孫妻妾皆歡怡寒溫風雨儻失時人心私欲復蔽虧堂堂正氣日以  
衰瘵厲始得乘其危膏肓一穴自古有區區二豎寧知斯惜哉醫緩  
不務此倉卒遽謂疾弗治若藥瞋眩罔不愈縮手退避計或遲乃知

用藥如用將用非其類悔曷追  
荒巴鳥附吾所用參朮之輩胡能爲  
信乎藥者亦凶器古人不得已用之  
姜君職醫識此理愚民攀慕賢  
守知延年却老學妙術回生起死  
參神奇杏林春色香韻美芳葩漸  
滿東風枝他年丹實億萬斛慎勿  
往取虎豹窺我身剛強幸無恙半  
世落魄癡在詩賦性倔強成傲物  
胸次未掃平生癡高談驚世鄙俗  
訝左計失策羣兒嗤疏狂往往激  
眾怒而我戲笑方嘻嘻豈無甘言  
悅人意胡塞巨口而不諛後先顛  
倒皆類此願將斯疾祈君醫願將  
斯疾祈君醫

辛丑歲軍亂後李元常賦詩傷感予次其韻

亂後依然舊城郭青山不老秋雲薄  
人民皆非可奈何歲月無情隨逝  
波短世功名何暇論相逢存沒驚  
相問夜寒兒女泣牛衣紫鳳天吳  
顛倒披訪舊驚心生百感兩脚如  
麻春不暖祇多幽滯哭酸風何人  
背面啼春紅

次韻以述老懷寄前人

厯老何曾入州郭布襪青鞋衣袖薄  
聘呼不起奈爾何心似無風非  
水波竹帛虛名何足論草廬清夢  
毋勞問天風吹袂雲滿衣醉騎黃  
犢烟蓑披人生有情徒感感笑聲  
酒面春風暖可憐奔走牛馬風妄  
自粉飾誇青紅

過李從道故居有感

數間古屋荒村道滿地蒼烟鎖芳草  
酒酣獨步憶當年幾逐西風訪  
詩老主翁去後寧復來戶外白雲  
人不掃青山依舊事盡非斜日黃  
花爲誰好

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

樵雲獨唱詩集卷之一

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

樵雲獨唱詩集卷之二

續金華叢書

古詩

男兒生明世

男兒生明世學禮仍學詩禮以知揖讓詩以知盛衰上輔明主聖下  
採斯民愚坐食萬鍾祿出駕駟馬車否則居巖邱高臥松風廬談笑  
理蓑笠獨釣西江魚

戊申歲閒中清賞十景

秋江明月艇

秋江明月艇月皎光嬋娟我老坐其中蒼顏髮皤然半醉弄明月赤  
脚扣兩舷秋風百尺絲獨釣千丈淵不繫吞舟魚寧掣橫海鱸釣斷  
人間心不爲世網牽鼓棹笑歸去月落江底懸

烟岫夕陽鐘

烟岫夕陽鐘清聲滿寰宇直催海月上山雲亦飛舉老僧定裏回英  
雄夢中起掃空聲利情洗淨塵埃耳平生剛毅腸聞之屢驚喜疎狂

楓雲獨唱詩集卷二  
發長嘯起舞不得已遺音尙悠然迴入霄漢裏

一 麗圃橫長笛

麗圃橫長笛秋風感慨聲一吹山石裂三弄波濤縈江空翠蛟泣夜  
靜蒼龍鳴鶴怨雲巢冷猿啼月嶺明菱婦悲秋淚孤臣去國情遺音  
尤激烈高調轉淒清曲終情未盡目送數峰青

脩林策短筇

脩林策短筇路入烟霞去羣峰喜逢迎向人如嫵媚攀條覽芙蓉臨  
流採菰芷幽花不知名馨香雜芳樹天風吹敝袍曉露沾行屨更無  
塵染衣常有雲生袂山禽忽飛來啼破幽絕處

籬邊餐落菊

籬邊餐落菊采采黃金英拾之不滿掬松露相和傾三咽清肺腑九  
竅皆芳馨食之久住世化爲天地精不飢復不老顏貌如童嬰驂鸞  
訪安期跨鶴尋廣成回首謝人世何用千秋名

嶺上撫孤松



嶺上撫孤松松陰蓋天地霜皮四十圍傲睨人間世老榦帶烟霞虬  
枝撼風雨玄鶴數往還白雲互來去撫松一問之坐閱幾千歲人壽  
能幾何松老良未易與松語未終落月寒生袂

開徑延馴鶴

開徑延馴鶴愛此癯瘦形不與凡鳥伍戛然獨長鳴我性鶴相似寵  
辱常不驚平生寡交游閉戶鮮送迎松關夜月孤芳屋秋霜清從今  
與鶴遊騎鶴朝玉京鶴爾幸知此慎勿輕渝盟

登樓數去鴻

登樓數去鴻目斷江山異帛書望不來愁殺深閨女遺音墮寒空疎  
影澄秋水淒涼關隴雲慘澹瀟湘雨飛鳴萬里餘爲此稻梁計點點  
夕陽中陣陣荒烟外天際兩三行飛入蘆花去

朗吟黃葉寺

朗吟黃葉寺落日長林密天花拂衣香露草沾屨溼深烟鎖奇峰閑  
雲裏危石金鐘透太清玉磬穿虛碧勝境龍象游夜靜虎狼出地遠

人踪稀心定塵緣寂仙凡迥不同坐久三大息

長嘯白雲峰

長嘯白雲峰聲清方夜永海月忽飛來光照千巖靜松林奏瑤琴山泉漱金井下與人世違上接星辰近涼露洗心源天風吹鬢影使我凡陋軀冷然發深省願言生羽翰直言上雲頂

採蓮歌

畫舫綠楊邊吳娃競採蓮紅妝映綠水窈窕誇少年只愁蓮心苦食之味不甜只愁藕絲短織之難成縑相與唱歌去撐破蒼波烟

讀書山月下

讀書山月下月色流巖扉松風吹毛髮草露沾裳衣研精探玄奧竭思窮幽微興亡空感慨今古誰是非孔孟幾千載斯文愈光輝蚩蚩愚下士去此將安歸

舉酒春風前

舉酒春風前勿訝衰顏紅藉茲麩葉媒成彼醞釀功頓使鐵石腸化

爲歡悅容喜色浮鬚眉和氣填心胸浩浩六合間廣扇淳厚風兒女  
豈知此惟醉芳花叢

圍碁白日靜

圍碁白日靜舉袂清風吹神機畧未識妙著時出奇我老天宇內白  
雪凝鬚眉坐閱幾輪贏歷觀迭興衰古今豪傑輩謀略正類碁局終  
一大笑驚起山雲飛

舞劍清夜闌

舞劍清夜闌孤燈耿中堂一舞空奸邪再舞推豪強頻起爲君舞月  
出雲飛揚氣衝牛斗暗影動蛟龍翔悲風轉蕭颯壯志彌慷慨時哉  
不我逢石匣深韜藏

吹簫明月底

吹簫明月底素魄流寒光簫聲更清婉音調美且長孤鸞舞天風老  
鳳鳴朝陽仙人王子喬往事空茫茫丹成竈應冷仙去臺亦荒千秋  
更萬古日夕遙相望

撫琴白雲端

撫琴白雲端聲透巖谷裏山空夜未央長天色如洗暄啾百鳥吟蕭瑟孤舟雨萬壑鳴松風千江瀉流水森嚴肅鬼神想怨訴兒女人世不爾聞唯入巢由耳

漁父曲

雨過暮雲收江空涼月出輕蓑獨釣翁一曲秋風笛宿鷺忽驚飛點破烟波碧

對弈青松邊

對弈青松邊松雲溼荷裳棋中有深機淺識未易量知進貴知退能弱還能強爭先合顧後得勝當慮亡輕剽或易失遲重終寡殃將卒勿驕惰士馬須精良能以此眾戰柔者必至剛

對酒舞長劍

對酒舞長劍劍舞影更長始舞飲一斗送舞累百觴舞之不能已飲亦未易量長舞影傴傴長醉志揚揚尙不論公孫况復數項莊年深

劍文在曾斬樓蘭王舞罷醉未醒落月流寒光

和萬卷閣詩韻倪希聖攜石元吉題萬卷閣詩見示且言其先  
大父樞密公南渡後嘗讀書遊觀於此南渡去今二百年遠  
成陳迹感古傷今不能忘懷何時一登斯樓縱觀前人遺蹟  
朗吟豪詠於天風百尺之下與王粲元龍相望於千載之下  
顧不偉歟因次韻二章

天風百尺樓壯制凌霄漢繞屋三四圍充棟書萬卷峰巒獻奇觀宇  
宙鍾神算絃歌師魯丘政治資姬旦冥搜竟忘疲幽討庸辭倦惟知  
扇文風未必圖美宦桂月與松雲時復供清玩人去樓亦空千載發  
悲歎

畫棟麗晴霞飛甍接天漢虛櫺納青山魏軒貯黃卷緬懷荆樓人胸  
襟蘊奇算相去數百年坐閱成一旦想當讀書日研精固忘倦浮雲  
變盛時短世驚薄宦我欲登斯樓烟雲聊把玩感慨三撫闌臨風寄  
長歎

雨中懷李本存十二韻

久雨不出門幽齋抱岑寂點檢屋外山白雲爲雨溼最苦溪水添沒  
却釣魚石平生慮事深無故憂得失因念倦遊人荒涼不溫席獨抱  
瑰奇才雙瞳黑如漆關山一萬里誰能共欣戚故舊半凋零親戚隔  
存沒亂後幸自強感激彌太息蓑笠擬訪之濁酒聊共適酒酣彈欽  
歌忘情話疇昔雲深路不通何處尋踪跡

幽齋清興

窗迎青嶂遠門掩白雲深坐久風生席年高雪滿簪訪梅臨水際採  
藥陟烟岑月徑桓伊笛秋庭單父琴驚醒塵土夢滌盡利名心銜世  
閑聲譽生平不用尋

故園梅花

身世水雲鄉冰肌玉色裳靈均千載恨和靖一生忙南國遺高躅東  
風遞暗香久同松柏操肯學桃杏妝冷淡孤山月高寒半夜霜鶴猿  
常款狎峰蝶任猖狂

興懷

幽遜足嘉謨，崇勳授壯夫。杖藜登嶺岫，蓑笠釣江湖。最喜烟霞古，從教姓字無。頓忘身外慮，寧受世間譽。盡日尋碁局，長年臥酒壚。飲酣吟嘯遠，睡醒興懷孤。秋嶼翔雲鶴，春波浴海鳧。四時花木美，野叟復何圖。

東籬丙辰季秋作

曳杖東籬下，層巒列環岫。南山如有情，青翠俯相就。松桂各老蒼，烟霏乍無有。孤雲屢出奇，羣峰競呈秀。圖彩寫晴嵐，琴音漱寒溜。采采黃金英，芳香滿衣袖。

新月

新月如佳人，娉婷特姝麗。雲端露蛾眉，丰標迥然異。輝彩雖未盈，已足破昏翳。但願早團圓，神光耀寰宇。從茲億萬年，長照人間世。

秋懷次童中州韻四首

拭目看秋雲，洗耳聽秋雨。晴刈東臯禾，冷衣南山苧。長安名利途，屏

跡不吾與惟有金華峰相看淡無語

長空好明月燦爛今夕晴萬里皆月色四顧無人聲徘徊下青松照我茅屋明我望長太息悠然萬感生取杯挹清光和此松露傾咽之清肺腑快我平生情

沈郎江左人聲名驚宇宙秋風百尺樓寄傲腰圍瘦惜哉清廟器未展經綸手斯道日以亡斯人焉可友唯應雙溪月清光屢相就

桂魄延秋景松飈生夕涼良宵兩相值蕭瑟流清光風聲驚客鬢月影照我牀徊徨不成寐轉覺歲月長起坐問風月而我誰老蒼風靜月不言耿耿天中央

三月望夕玩月

長空蟾吐魄良夜何團團皎如青銅鏡燦比白玉盤試浴海波底飛上青楓端徘徊嵩岱間宇宙生清寒神光常不泯留作千載看

南山晚眺雜興

南山青如藍處土衣可染獨立萬仞岡眼空天地遠扶筇訪梅竹蹇



袞躡苔蘚靜聽水潺湲臥看雲舒卷長嘯撫孤松乘閒數奇巖平生  
不動心肯隨名利轉摩挲太古石相知諒非淺

不離心世間多味難堪坐太古昏昧轉非窮

樵雲獨唱詩集卷之二  
又烟香漫散卷只翻無那綠乘間幾許

樵雲獨唱詩集卷之三

續金華叢書

五言絕句

次友人題丹井韻

仙人浴丹井丹去月華孤無復秋風夜雲邊響轆轤

辛卯冬雪裏尋梅三首

寒雲濕不飛江路踏瓊琬香影無踪跡羅浮月上初  
月色滿人間前村步步艱南枝尋不得何處是孤山  
逋仙凍欲僵春色惱吟腸繞樹全無影滿身都是香

遊三洞金盆諸峰絕句

長松撐白雲偃蹇幾千載而我能幾何松雲鎮長在  
策杖遊洞天石羊臥荒草平起不再逢幾見春風老  
仙翁出洞口笑我兩鬢華塵世累變更翁貌長如花  
雲巔老猿吟松下仙犬吠山童不知名嘯入青烟去  
峩峩萬疊山會閱幾人老我老不少年山老色逾好

渴斟東澗泉飢煮西山石醒時策短筇醉後橫長笛  
岩堯金華峰蒼松凜高秋仙人坐不成歲月空悠悠  
青山如佳人白雲如游龍佳人節不移游龍去無蹤  
我昔爲童兒登高而作賦我今髮如霜青山但如故  
徘徊三洞天拚作十日留何當約安期共爲千載遊  
山靈見我來撫掌一笑莞喜我成此遊怪我來何晚  
不爲世網縈肯受儒冠悞茲遊快平生併了泉石癖  
大山儼而尊小山婉而秀往來兩山間巖霏溼吟袖  
平生酷愛山嗜好如猿狙行將脫塵俗上與浮雲俱  
久從山中遊頗識山中趣狂吟採松花撼動雲栖樹  
已無名利心猶有烟霞疾汲彼千尺清洗此方寸癖  
犬吠人家近鳥啼春晝晴澗草有幽色野花無定名  
怪藤搖蒼烟芳林滴晴雨閑花逞嬌姿笑舞春風裏  
搯衣涉芙蓉撥雲拾瑤草寘諸懷袖中食之顏色好

雲邊學仙子貌古懸方瞳閑揮白玉塵笑坐青石峰

曉窗禽語

紙帳夢初醒山窗月上明宿雲離石去幽鳥話新晴  
殘月滿山阿長松弄清影幽禽啼數聲吟窗人睡醒

題丹井

閑雲埋鬢冷皓月照泉空仙與丹俱化苔花弄曉風  
浴丹仙已遠鬢冷蘚痕鮮斷梗無人汲空遺浸月泉

題丹竈

丹成仙去後竈古白雲邊灰冷空餘燐林荒鎖斷烟

題石羊

二仙牧羣羝食盡丹田草化石幾何秋牧羊人未老  
山邊牧羊者誰得似初平羊化人俱往年年草自榮

王粲江樓

王粲登臨客雲閑獨倚樓西風千里興落日半江秋

莫愁烟艇

莫愁江上艇，月夜扣舷歌。甚欲尋遺跡，江空烟浪多。

范蠡雲舟

范蠡平吳後，秋風理釣船。情空青嶂下，夢落白鷗邊。

嚴江獨釣

光武中興主，嚴光避世翁。雲邊一片石，江上幾秋風。

赤壁清遊

魏武吟詩夜，坡仙玩月秋。英聲留後世，清興動南州。

夢遊金盂峰二首

愛山如猿獠，清嘯臥雲石。山雲入夢來，相見如舊識。

有懷金芙蓉，經年未能去。青山入夢魂，白雲生杖屨。

看山

薄俗易炎涼，浮雲屢更變。耐久屋外山，相看無厭倦。

題泉石高情圖

流水閑雲外青山落照中詩翁扶瘦策相與聽松風  
題西施蹙頰捧心圖

憔悴兩蛾顰春山鎖恨深東鄰正嘗膽西子謾捫心  
秋日飲友代柬二首

烏帽風前落黃花雨後香淵明三逕裏明日共壺觴  
詩骨秋來瘦山花日暮香殷勤一樽酒相與慰荒涼

草堂歸來圖二首

鶴髮兮倚閭山空兮日暉白雲兮髣髴遊子兮其歸  
遊子歸心切慈親望眼空白雲千里意瘦策倚秋風  
疎齋晚步

睡足白雲窩行吟青草坡夕輝流月履空翠溼烟蓑  
焦光茅屋

焦光雲外宅甕牖倚江開月上盟鷗石潮迎釣鯉臺

寒夜梅窗

春色上寒梢虛窗疎影搖雲邊霜月白枕上夢魂遙

睡起卽事二首

草軟和烟綠桃夭過雨紅殷勤花外鳥聲度隔窗風  
睡起小窗西庭空春晝遲鳥啼烟雨徑花落晚風枝

山中卽景二首

峰巒獻幽奇泉石供清賞靜看嶺雲飛狂呼海月上  
雲黏草屐寒露襲荷衣溼醒斟北海尊醉臥南山石

月夜吹簫

涼月上虛櫺山人幽夢醒吹簫明月下音調透青冥

江上清遊四首

皓歌明月渡清嘯白雲洲短笛遊嚴瀨孤舟訪莫愁  
江波生夕涼雲樹倚斜陽欲訪焦光宅芳洲烟浪長  
夜月彈琴石秋風載酒船興遊黃犢外夢醒白雲邊  
遠岫落霞收長洲明月游湘妃紉錦佩吟嘯漢江秋



漁翁罷釣二首

夢醒白雲灘情空綠水灣竿長絲線短孤棹唱歌還  
罷釣夕陽溪清歌月下歸楊花飛作雪撩亂上人衣

鷺鷥銜魚

荷老難擎露水清偏見魚好磨青玉觥一飽更何如

巖前夜坐

脩徑白雲幽山空明月秋長松高百尺風露襲衣裘

竹露白雲山山空期日無是俗高百尺風聲撼木葉

微雨軒坐

荷葉飄飄流火前讀以然秋風香正黃一輪夏已涼

好飲酒賦

雅從夕陽翁翁好酒民不識醉飲長水重作論七人本

夢醒白雲猶帶酒香餘不覺半更秋夜涼

樵雲獨唱詩集卷之三

樵雲獨唱詩集卷之四

續金華叢書

五言律詩

幽居雜興

疎齋清夢醒脩徑白雲長袖掃南山影心潛上國光西風巖桂老細  
雨野椒黃地僻人蹤少烟扉開竹房

和張仲達客蘇州春暮覽古韻

異國逢春暮驚心對日西潮生吳水冷雲壓楚山低老樹風霜古荒  
城烟雨迷夫差舊臺館花落鷓鴣啼

重陽感興

甲午歲

佳節明朝是同誰上翠微西風人易老南國雁初飛黃菊清香晚烏  
紗白髮稀牛山今昔異感慨欲沾衣

次李本存見寄韻

本存江西省掾尋調永嘉巡檢秩滿寓婺之道林精舍

陶令歸官後琴書對酒杯未聞丹詔起長伴白雲來夢裏鄉關遠閑  
中歲月催草廬春漸暖應動武侯雷

送應空谷上人遊吳尋師僕於湖山泉石有疇昔之好未章故  
及之

遠近西湖路高低釋氏宮猿啼青嶂月潮落碧江風鐘鼓殘陽外樓  
臺烟雨中挑包明日去迴首暮雲東  
落日南朝寺吟筇幾度登欲尋前日路去訪昔年僧浙水生新浪吳  
雲暗舊燈阿師如到彼爲謝嶺南能

題應上人淨深精舍

一室絕纖塵爐烟貝葉經每呼明月至常遣白雲扃竹色侵虛幌荷  
香襲小亭晚來開甕牖放入數峰青

代張匡敬送憲史武文獻遷浙西

儒衡家世舊氣節老彌剛誰謂更千古猶能出一郎烏臺知姓字白  
簡凜風霜後夜吳江月清光應更長

感懷

天步艱難日人情向背秋慚無醫世術喜免抱官囚發憤尋青史消

愁數白鷗草廬諸葛輩幸出爲時謀

午窗睡起偶吟閑花落硯池小兒士廉率爾應聲曰香絮黏碁局遂足成一律

睡醒碧窗虛無人松影移庭空晴晝永徑靜夕陽遲香絮黏碁局閑花落硯池無人烟樹鳥飛過白雲枝

題扇面景物

溪童雙眼碧照映綠波心釣艇橫烟水漁歌起夕陰峰巔涼月上澗底白雲深傲睨天風頂芳尊獨自斟

小兒士廉賦碧桃胡蝶二詩呈改爲賦唐律示之

王母下瑤臺瓊花溢路裁似嫌紅粉俗長傍白雲開玉質風前舞天香月下來劉郎猶未識蜂蝶莫驚猜

粉翅舞風輕雙飛趁晚晴聯翩花日暖來往柳烟清穿徑尋香絮過牆逐落英莊生千載夢驚醒世間情

紙帳

琴榻生虛白吟帷異馬融睡無紅霧入醒有白雲封月窟光千丈塵寰路萬重梅窗香影瘦清夢聽松風

己酉新正

天地風霜盡乾坤氣象和曆添新歲月春滿舊山河梅柳芳容稚松篁老態多屠蘇成醉飲歡笑白雲窩

七月望夕予曳杖步月直造峰頂高吟朗詠劃然長嘯興盡而返明日山下居人咸言聞清嘯驚醒塵夢者數十家予因賦詩以紀其事云

藜杖策風輕芒鞋步月明鶴翻青徑影猿度翠巖聲草露沾衣冷松泉漱石清崇岡發長嘯塵世夢驚醒

九日東籬晚興

杳杳柴桑路東籬對夕陽斷虹初霽雨新雁欲迎霜黃菊秋香老烏鬢涼王弘人去遠目送楚峰長

閑居效陶體

彭澤歸官後悠然對菊花風雲生杖屨雨露蔚桑麻巷僻門常設樽  
空酒屢賒柴桑長在望三徑接晴霞

憶先母

憶別慈顏後年華逝水流萱堂猶一日松墓竟千秋誨育恩無盡生  
成德靡酬白雲空入望清淚濕衣裘

己酉雪

人世白雲封光輝萬境同江山迷夜月宇宙動春風柳絮高情遠梨  
花舊夢空蹇驢懷鄭絮清賞灞橋東

九日

霜重雁初飛江空蟹正肥黃花經雨瘦烏帽任風欹滿飲王弘酒豪  
吟杜牧詩東籬多感興况近夕陽時

晚回自赤松小桃源賦二首

仙子丹成後乘鸞翠靄間笙簫風細細環珮夜珊珊羊化雲埋石猿  
吟月滿山桃源春欲落花落夕陽閑

徑鎖綠苔新庭空市井塵草青巖洞雨松翠石林春初起名空在留  
侯跡已陳玉簫聲斷久片月下嶙峋

觀史有感

閑中觀史冊感慨淚潸然幸喜平生拙驚呼異代賢張良知說駕范  
蠡解乘船餘子沈酣者貪杯醉不眠

雪水煎茶

雪水烹佳茗寒江滾暮濤春風和凍煮霜葉帶冰燒陶穀聲名舊盧  
仝氣味高黨家寧辦此羔酒醉清宵

癸丑新正試筆二首

雪霽冰霜盡泥牛喜著鞭性情猶舊日節序又新年世態縈胸次春  
光耀目前屠蘇今日酒自笑不吾先

舊臘隨宵盡新陽向曙來晴光浮竹葉春色滿椒杯穉綠妝梅萼嬌  
紅透杏腮雪消江岸柳便學舞章臺

誕日



前元己丑仲春余知命之年賢甥童中州賦詩壽余揆今二  
十五年矣甥亦五旬余曾賦五言唐律一首今書於此云  
常憶垂弧日俄驚學易年高情輕富貴雅志樂林泉白髮三千丈清  
吟數百篇行藏皆在我消長係乎天

梅亭負暄

梅屋朝暉暖融融體氣舒曲肱紅日裏閉目黑甜餘天地溫和候乾  
坤混沌初盎然春透髓盡曬腹中書

小春探梅

獨步孤山下來尋帶蘚枝江村流水晚沙路夕陽遲僧屋閑雲徑人  
家小竹籬春風吹薄袂細細襲詩脾

採蓮歌

越女浙江頭烟波萬頃愁往來荷葉浦蕩漾木蘭舟島閣香雲冷江  
空明月秋清謳三四曲聲斷白蘋洲

秋日有懷帥府李從道二首

雨後復斜陽天風兩袖香黃昏秋夢淡紅葉晚晴長訪舊心千里澆  
愁酒一觴詩翁定何許西望白雲鄉  
子別金盆後烟嵐野鶴愁心應遊北里身尙寄南州落月雙溪夢西  
風一劍秋夕陽山下寺時憶少年遊

東方有一士

東方有一士不結塵世緣朝臥空山雲暮汲石澗泉行吟夜月中醉  
舞春風前問之竟不答一笑三千年

鑿井

高原鑿深井水流聲淙淙三巖清肺腑凜然冰雪容雲埋石甃冷月  
照山泉空汲引君勿辭是中有神龍

蠟梅

春滿紫綃裳淡黃宮樣妝薔薇露下色山麝晚來香月下開金瓊風  
前換玉裳尙餘風骨在疎影臥寒塘

讀致和改元詔

聖德如天大皇風四海清乾坤新歲月丘壑舊心情詔旨宣金口臣僚拜玉京江南遺叟說垂老願昇平

懷湖山靈隱朋獨孤書記

每憶湖山下烟嵐半有無西風肥芋栗細雨老菰蒲世事秋雲散禪心夜月孤輕包連瘦策吾亦夢江湖

次韻送帥府李從道考滿赴都

中山忘歲月世上變炎涼竹帛虛名盛松關野興長贈詩無好句話別欠離腸道過濟南府光輝衣錦鄉

送天台僧雪中入杭

杖策路迢迢經年別石橋厭聽方廣磬去看浙江潮雪透麻鞋冷雲和布衲挑舊時清隱地月落故山遙

憶三衢徐志允

磊落三衢士身今在翰林滿斟徐邈酒高誦杜陵吟燕北聲名重江南感慨深金鑾坡上月應照故人心

春夜遊西園

春色晚來濃，良宵興未窮。  
海棠呈膩雪，楊柳舞香風。  
蝶夢翻花冷，蟾光度酒空。  
西園人未散，飲罷滿城鐘。

訪赤松道士不值

仙翁何處去，殿古白雲深。  
丹竈留殘火，青煙鎖近林。  
尙遺羊化石，應悞鶴聽琴。  
舊日同遊處，山空住夕陰。

遊赤松宮二首

杖屨策天風，桃源路萬重。  
草藏羊化石，雲護鶴巢松。  
藥化留丹井，蓮開老翠峰。  
初平與初起，吾亦願相從。

神仙遺舊宅，地迥絕纖塵。  
丹井雲封古，青山雨洗新。  
桃香巖洞雨，芝老石田春。  
近日來遊者，多非避俗人。

贈修真羽士

道人容貌古，縹緲隔烟霏。  
採藥穿雲去，尋真跨鶴歸。  
久嘗芝朮味，慣著芰荷衣。  
拍手芙蓉頂，相招上翠微。

題劉阮遇仙圖

山中風景美劉阮此忘家犬吠尋真客泉香出洞花衣冠猶漢代飲  
饌雜胡麻莫戀人間世人間日易斜

贈漁父

短笛逐秋風孤舟釣月中綠蕪烟浪遠白髮世情空不讓嚴陵操寧  
貪范蠡功江山無限好蘋白蓼花紅

贈牧童

牛背夕陽紅行行逐斷虹烟迷青嶂雨雲度小溪風短笛江村遠長  
吟宇宙空幾回芳草岸高臥月明中

春雨

雲罩千山暗恩沾萬物春溶溶添細浪點點溼芳塵紅洗花容淨青  
滋柳色新東郊農事動漸快一犁人

春晴

曉洞雲歸溼春山草木新天桃含宿雨嫩柳裊輕塵蝶翅寒猶怯蜂

柳雲獨唱詩集卷四  
衙晚漸陳香風簇羅綺已有踏青人

池塘春草

春色滿寒漪萋萋欲染衣晚烟迷淺碧斜日映清輝靈運名空在王  
孫去不歸一春無好句詩夢近來稀

梅邊索句

茅舍白雲扉巡簷笑撚鬚暗香覃雅思疏影入新詩江路東風冷溪  
山月落時苦吟吟未穩清興繞寒枝

落梅

一夜東風急南枝數片殘何人吹玉笛獨自倚朱闌落地魚鱗薄尋  
香蝶夢寒醉眠花樹下偏得壽陽歡

題丹丘圖送周元善台州直學

去去丹丘客雲山萬疊深吟鞭驅瘦馬倦僕負孤琴芹水鄉關夢落  
峰故舊心杏花明月下莫忘寄遺音

和王存誠遊洞天

昔我遊洞天意馬得休止平生塵土夢盡決滄浪洗回首名利場一  
年不掛齒去去青雲端褰衣訪平起

宿智者草堂

夜宿蓉峰下烟嵐鎖翠鬟鐘鳴黃葉寺月上碧雲關老虎蹲危石吟  
猿啼亂山明朝出城市清夢落塵寰

智者寺僧往金陵

聞子攜瓶錫孤舟至建康遽辭婁約寺遙禮寶公坊松子僧前落梅  
花客裏香莫同胡達磨無語對梁王

贈宦遊張平叔

乾坤英氣客湖海倦遊人看鏡始知老見人寧話貧功名驚壯志琴  
劍悞閑身何日秋江上清波洗宦塵

過栖碧何羽士舊隱

泉石渾無恙仙翁去不回雲深香未老澗冷碧蓮開劍掛松關月丹  
遺藥竈灰昔年修煉地長悞鶴飛來

代居官寄友

不信宦遊拙功名未有成半生燕北老十載越南征每歎黃金盡空  
驚白髮生何時燈火夜相與話歸耕

久客寄鄰叟

久客秋仍晚烟霞鎖敞廬晴江思共釣雲嶺憶同鋤貧賤交情薄飄  
零酒盞疎何當風雨夜歸讀舊時書

霜晨二首

殘月過樓臺霜鐘驚夢回畫開煨芋火撥盡滿爐灰旋整雲邊屐閑  
尋雪裏梅春風深有意頻送暗香來

琴榻對山城僧鐘半夜鳴玉簫音調遠紙帳夢魂清霜重蟾光冷山  
空鶴影驚南枝芳信動春色正關情

霜夜

霜冷月交輝春風暗透肌襟懷添醞藉胸次發新奇斟酌酬佳景推  
敲話舊詩暗香生薄袂疎影寫枯枝



與客話湖山佳勝予足不至者四十年因賦此以敘舊事

不踏湖山路驚心四十秋六橋前日夢孤棹昔年遊歲月浮雲改興  
亡逝水流西風吳嶠寺落日浙江樓

幽齋秋晚

木落遠山佳荆吳接兩淮秋深紅樹嶺人老白雲齋竹色頻侵袂苔  
痕欲上鞋宵深明月色清爽透吟懷

山居卽事

吟榻障松屏巖扉護竹亭臨風梳白髮對月讀黃庭澗古千尋碧峰  
奇萬疊青彈琴坐雲石頻惹鶴來聽

圍棋

黑白未分時其中一著奇已空生死見寧墮戰爭危持重機常速爭  
先計或遲捐微存大勇勅敵盡吾歸

日暮江村雜興二首

杖屨陟崇丘絲綸釣淺洲衝烟遊野寺玩月上溪樓屢訪雲林鶴閑

柳雲獨唱詩集卷四  
盟沙路鷗漁歌音調美聲撼半江秋  
釣艇已收緝無人深閉門雲生沙石上月出水南村寂寞寒潮遠微  
茫烟浪昏孤舟中夜笛感慨動吟魂

江村晚景

華髮映清流江山事晚遊雲舒江影淨霜落水痕收雁陣新橫浦蟾  
光欲上樓鐘鳴楓樹嶺秋老荻花洲

孤洲夜泊

烟棹越波東漁歌逐斷虹雲黏青樹冷潮駕翠濤空夢醒孤洲月情  
舒短笛風曲終秋漸老江闊暮山重

漁舟晚泊

釣艇近黃昏孤篷載夕曛烟潮歸柳巷涼月出蒲根短笛雲端弄清  
謳夜半間漁燈明復滅寂寞度前村

山莊卽事二首

倚檻看雲飛開簾放燕歸草生烟翠冷花落晚紅稀對酒歌金縷彈

琴弄玉徽醉醒深院月芳影上荷  
策杖步松關銜杯看遠山青鞋陪  
月去翠袖裏雲還芳草斜陽外  
落花流水間山林多樂意無夢到  
塵寰

春晚

春去欲何歸江南古路歧日長鶯  
燕懶花落蝶蜂疑香徑紅應減高  
峰翠益奇薰風琴調遠眾綠上芳  
枝

晚窗

紅日轉巖扉幽人清夢迷遠遊黃  
葉徑橫過白雲谿芳興隨流去高  
情與嶺齊莊周身外蝶栩栩陌庭  
西

山莊小隱

茅屋小柴門前峰烟樹昏夕陽芳  
草徑霽雨落花村竹下安茶竈山  
邊置酒尊吟翁常款曲佳句細評  
論

辛丑年亂後歸故園

亂後鬚兼白春來草復青水環垂  
釣石雲護讀書亭與客論孤憤從

人笑獨醒艱難思避世貧賤欲忘形

遊山夜宿僧寺

翠岫倚天風雲封路萬重屢登猿嘯嶺頻撫鶴巢松漁唱孤洲曲僧  
撞半夜鐘山空禪榻冷月上礙星峰

江村晚景

野水溪橋外荒村八九家雨晴魚網曬風定酒旗斜紅樹霜江葉黃  
蘆月岸花何當從此隱重整釣雲槎

題溪翁隱居

小徑入雲斜幽居魏野家庭軒環竹石窗牖納烟霞戶外經霜樹階  
前浥露花童沽村店酒婦煮石爐茶

客至

有客過山家停驂暫脫車旋呼徐邈酒新煮玉川茶命子開東閣呼  
童掃落花殷勤話疇昔握手入烟霞

疎齋睡醒

石枕翠松屏吟翁清夢醒風前搔白髮日下讀黃庭棗熟從猿摘琴  
彈喚鶴聽南山新霽雨秀色入虛櫺

江樓晚眺

人倚白雲樓蟾陪翠浪遊天高峰影淨潮落水痕收楓葉孤舟冷蘆  
花兩岸秋漁舟清唱晚聲斷玉溪頭

秋色

弄雨玉芙蓉經霜蒼翠松池蓮銷豔質岸柳作衰容菊圃香方溢蘋  
洲態更濃蘆花迷夜月楓葉舞霜風

古意

濁醪有佳趣不結醒者歡素琴有奇指不爲俗耳彈真樂存妙理流  
水環高山知味諒不多知音良獨難

晚興

談笑策藜筇邱園興正濃點書研竹露煮茗聽松風吟詠詩懷爽疎  
狂世慮空古今興廢跡斜日落霞中

立春

欲寫宜春字先書餽臘篇  
詞華輝璧月文彩麗晴烟  
金燕寒欹鬢泥牛曉試鞭  
香風匝羅綺詔笑競秋千

雜興

吟詠讌芳庭荆扉晝不扃  
溪光流坐席嵐影透窗櫺  
砌蘚青黏屨岡松翠列屏  
夕陽江上路曳杖定鷗盟

正月上旬雪中賦

天女美丰容乘鸞過海東  
清標光奪月素質影翻風  
柳絮情應遠梨雲夢未終  
鶴栖瑤樹冷龍躍玉波空

秋日懷故人

十年湖海別歸興晚嵯峨  
人遠黃花瘦秋深白髮多  
鄉關愁隔絕歲月苦消磨  
對酒頻相憶涼蟾宵度河

幽人雜興二首

行樂興懷濃歡遊酒盞空  
久諧塵外趣殊乏世間功  
徑竹題新綠庭

花掃落紅短筇歌霽月長袖挹天風  
歡笑樂常彝何曾浪皺眉志懷頻喚酒得意數吟詩徑草含烟軟庭  
花過雨奇歌酣天宇闊睡足夕陽遲

次韻項叔道見訪

青山茅屋下誰肯顧寒微貧賤故交寡功名入夢稀致身雖有術臨  
事要知幾異日天風頂偕君試一飛

次張縣尉韻

烟霞深處客猿鶴慣同棲坐久雲黃谷吟殘月滿溪不成塵世夢寧  
爲利名羈醉脫荷衣臥幽琴懶更攜

閑情二首

瀟散兩眉厖疎狂似老龐慣遊栽菊圃長坐讀書窗漁笛閑中弄僧  
鐘醉裏撞興來陪夜月孤艇釣寒江  
歲月任消磨閑中得趣多戲題紅葉字醉唱紫芝歌雨笠畊雲嶺烟  
蓑釣月波數鴻臨淺浦騎犢下前坡

幽齋清興二首

清興正悠悠，偏欣汗漫遊。  
乘閑登翠巘，獨步訪丹丘。  
慣著穿雲屐，頻撐釣月舟。  
高情方浩蕩，更上礙星樓。

嵐光浮戶牖，竹色上闌干。  
吹笛驚秋老，彈琴生夜寒。  
喚猿來月下，放鶴出雲端。  
長負江湖興，西風一釣竿。

江村睡醒

霜重五更鐘，簫聲半夜風。  
梅香方旖旎，松影正朦朧。  
睡醒吟肌爽，神清世慮空。  
孤洲烟艇冷，漁唱月波東。

玩月

桂魄滿晴穹，徘徊牛斗東。  
清光流海宇，寒彩散天風。  
兔躍青霄迴，蟾遊翠浪空。  
吟翁肌骨爽，步入玉華宮。

江樓

華髮鬢颼颼，吟筇稱勝遊。  
閑中三弄笛，飯後一登樓。  
對酒思王粲，凭闌話莫愁。  
澄江鴻雁影，聲斷夕陽洲。



幽人高興

蕭洒寄巖邱，人間世外遊。  
霞杯風月笛，雲佩雪霜裘。  
調古無勞和，年高漸寡儔。  
絲綸三百尺，獨釣五湖秋。

溪翁

漁唱雜樵謳，茶鎗繼酒甌。  
醒吹雲外笛，醉掉月中舟。  
潮駕千尋浪，風生兩岸秋。  
古今多少事，睡醒蓼花洲。

月夜孤舟二首

風定翠瀉平，芳洲孤棹輕。  
僧鐘穿嶺響，漁笛隔江聲。  
雲傍西巖宿，蟾登北嶼明。  
烟波遺世叟，心似石潭清。

雲去越山青，江空霽月明。  
鐘鳴峰頂寺，潮到石頭城。  
牛女中流現，魚龍半夜驚。  
停杯呼李白，吟詠倒餅罌。

興懷

泉石興方濃，功名夢已空。  
髮絲吟苦白，顏借飲酣紅。  
酒建和愁策，茶成遣困功。  
自慚無妙術，惟解醉春風。

題烏衣巷陌圖

千載烏衣巷荒涼日易斜昔年丞相宅今代野人家庭弛生楓樹階  
蕪長草花春風無主燕夜雨爲官蛙

晚窗

睡醒兩眉厖殘陽漸上窗已欣詩滿袖復喜酒盈缸放達齊莊叟風  
流類老龐襟懷清且靜涼月下秋江

幽情野趣二首

嘯斷碧雲巔吟歸青嶂邊送蟾遊海嶽喚鶴舞林泉獨釣西江水躬  
耕北嶼烟踏穿三徑屐撐破五湖船  
月上小山坡風吟高樹柯朗吟青樹嶺高臥白雲窩天地烟塵靜關  
河感慨多慚無經濟術空老舊巖阿

喜李公度留題僧壁

醉筆濡蟾影芳逾天女花吟胸繁錦繡僧壁舞龍蛇句語香千古辭  
華擅一家已呼紅袖拂更遣碧紗遮

幽居

半掩夕陽扉，閑陪夜月歸。  
漁歌隨浪遠，樵笛入雲飛。  
歸鶴曾相識，沙鷗久見幾。  
潺湲東澗水，常護釣魚磯。

野興

門徑久荒蕪，謀身計盡無。  
酬歌聲正遠，清睡興尤孤。  
簡樸衣冠野，疎狂笑語粗。  
此遊方自樂，世譽不須沽。

春暮

睡起近斜暉，庭花晝掩扉。  
人從忙裏老，春向醉中歸。  
宿雨香絲逕，閑雲冷翠微。  
沙鷗西澗浴，野鶴北巖飛。

野客清歡三首

神清肌骨爽，慮淡夢魂安。  
夜月橫吟榻，秋風理釣竿。  
醉來長袖舞，興動短琴彈。  
對客頻呼酒，忘情各盡歡。

雨過晚峰青，無人門自扃。  
溪光浮竹几，嵐影落松屏。  
雲滿煎茶竈，春生貰酒餅。  
酣歌天地裏，醉臥秋風亭。

石鼎煮春茶。瑤杯斟紫霞。豪歌聲俊爽。歡舞影欹斜。酣醉眠芳草。顛狂藉落花。醉來新月上。人笑忘還家。

季冬梅花未放

么鳳跡難尋。寒蜂恐爽盟。暗香猶髣髴。疎影不分明。南國春猶淺。西湖雪屢晴。師雄空入夢。和靖最關情。

逸興二首

清興寄林泉。孤踪遠市廛。扶筇芳草徑。吹笛落花天。滿載西江月。躬耕東野烟。機關俱不識。人笑葛洪仙。

頗有烟霞癖。全無市井喧。神空遊汗漫。性靜樂邱園。飽玩松雲鶴。頻呼月樹猿。溪光常入枕。山色遠迎軒。

野趣

鼠影上衣袂。溪光滿竹間。雲峰明月徑。烟樹夕陽廬。柳下尋詩策。花邊載酒車。南山經雨豆。草長正堪鋤。

幽庭寄傲

門掩曉風輕，庭環澗水深。醉吹風裏笛，靜鼓月中琴。  
黃卷知興廢，青山閱古今。久忘塵俗事，偃息夕陽林。

晚興

教鶴復盟鷗，看雲獨倚樓。笛聲千嶂月，琴調一庭秋。  
木落山俱瘦，江空水自流。夕陽烟柳外，蓑笠釣魚舟。

春日對酒

子身無繫縛，去住正如萍。泉石閑堪玩，功名老不驚。  
青山常入夢，紫綬不關情。酒到頻歡飲，杯空逐口營。

江村過雨

雨趁斷虹收，霞隨孤鷺游。蟾光流斷港，鴻影落芳洲。  
萬疊雲峰暮，一江烟水秋。溪聲連野色，漁唱伴樵謳。

春遊晚歸

小雨雜烟霏，晴光弄夕暉。蔦紅侵酒罈，空翠潤琴徽。  
風襲吟翁帽，雲香野客衣。殷勤花徑月，寒彩照人歸。

雲峰雅興

高臥碧雲岑清談翠竹林疎狂交牧圉勳業謝冠簪江月清吟腑松  
風醒醉心焦桐絃久絕三弄發奇音

丁巳秋暮

吟嘯倚奇峰清游衣袂風落霞孤鶩外斜日斷虹中垣竹流寒翠江  
楓舞晚紅芳洲漁唱遠烟冷碧波空

晚興

蝸舍水雲鄉巢栖蝶夢長竹搖丹鳳舞松撼翠蛟翔鶴影深秋瘦蟾  
光半夜涼自慚無汗馬牛背度斜陽

江路晚遊

吟袖舞天風輕鞋策瘦筇溼雲辭怪石涼月上奇峰樵唱窮林曲僧  
擡出嶺鐘橫江清夜鶴歸宿大夫松

幽居

門對北山峰窗迎越水東松枯青嶂老花落翠巖空幽谷飄晴雨虛

堂含霽風相羊烟柳外吟嘯夕陽中

古意

江漢遊遊女吹簫伴月明曲終人又去聲斷意還驚雲盡湘潭暮潮  
回浙水平英雄今昔事日落遠峰青

幽栖

若問幽栖地吾廬住翠微步隨青草遠興與白鷗飛衲裏秋雲去囊  
挑夜月歸塵埃雖滿世難染芟荷衣

與錢提領

錢鏐千載下何幸出斯郎鼻祖聲名盛聞孫姓字香吳山歸夢遠越  
水宦情長幕府誠淹滯期君仕帝鄉

次韻賈逢原見寄二首

不成驚世事媿讀古人書老去功名懶貧來故舊疎白雲生戶牖明  
月宿庭除亦有無心者攜琴訪逸吾

短髮凋秋鬢天風快晚晴閑惟欣有味老不歎無成白石如雲煮青

山帶月耕無心少年事慷慨樂從征

江村卽事贈人

長笛倚風吹江村對夕暉烟迷前岸柳月照後園薇髮白何勞鑷山  
青正好歸塵埃方滿世慎勿染荷衣

午夢感邯鄲舊事

清睡午炊香槐安仕路長征遼詞激切憂國志忠剛口口新承寵遭  
讒復致殃危疑忽驚悟大笑海蟾涼

遊賞清樂四首

烏帽翠雲裘行藏得自由月宵尤醞藉天路更風流不作塵中夢甘  
爲世外遊林泉堪縱目勢利懶回頭

華髮雪霜眉頻將羽扇揮兒童呼叟鑠樵牧笑希夷不識當今諱寧  
諳薄俗譏清歌三四曲猿嘯鶴驚飛

竹杖芟荷衣青鞋白接離腹儲徐邈酒曾貯杜陵詩白髮搔風短青  
山過雨奇杯酣芳興動簫管倚雲吹



野服帽頻欹登臨倚翠微清烟衰柳外孤鶩落霞飛草露黏芒履松  
雲上布衣清吟山路晚瘦策踏斜暉

贈一教官游學者

燈火老書窗功名志未忘青衫驚歲月白髮老風霜累作東吳夢頻  
觀上國光十年猶未調感慨憶馮唐

城中一佳士贈所知

城中一佳士借問不言誰解唱無聲曲能吟落韻詩三杯隨分酒一  
局不爭棋到處無人識惟應野老知

復次李本存見寄韻

寫興詩二首論心酒一杯初疑彭澤去旋喜謫仙來老歎青衫冷愁  
驚白髮催從今便高臥鼻息撼春雷

次密印精藍光上人韻二首

蔬飯度春秋何心向外求但能忘取舍自足絕恩讐歲月驚青鬢風  
霜變白頭騰騰常任運無果亦無修

石邊清睡醒松下獨吟餘小徑雲收後空林月上初梅香凝几案竹影掃階除湛湛長空淨纖埃半點無

送蕭君祐憲史陞南臺掾

蕭公建康人

漢朝丞相齋臺閣慣懲膺雲海橫孤鶻天風快俊鷹幾年居寶婺後夜發金陵李白題詩地闌干試一凭  
籍臺新聘客家世出蕭梁况乃辭江浙翩然往建康六朝烟樹老千載暮雲長見說孫郎宅青山帶夕陽

送憲奏差邱魯瞻還浙西二首

堂堂烏府士聲已播錢塘投劾驚神鬼攜辭凜雪霜潮回吳渚冷月落越山長西浙今非昔期公正紀綱

人才天下望豈但魯觀瞻清冷雙溪水高寒半夜蟾時賢多自逸吾子獨能廉去去西湖路荷香漾酒帘